


東坡全集

漢書門			
五	四	五	五
二	八	二	八
冊	架	函	號

庫文閣内			
三	五	五	漢
一	二	五	書
架	冊	號	類

内閣文庫			
番號	漢	5456	
冊數	28	(2)	
函號	315	84	



糊などで貼り付けられている部分がめくれない箇所あり

東坡詩目録

第一卷

詩四十七首

鄭州別後馬上寄子由

和子由澠池懷舊

次韻和劉京兆石林亭

奉詔減決囚禁記所經歷

書崇壽院壁

留題延生觀後山上小堂

留題仙遊潭中興寺

石臯城

磻溪石

鄆搗

樓觀

九月微雪懷子由第二首

病中聞子由不赴商州三首病中大雪答歸令趙薦

淺草文庫

歲暮思歸寄子由第三首

創歲別歲
守歲

和子由踏青

和子由焚香

和子由苦寒見寄

和子由論書

記吳道子畫佛滅度

和子由寒食

和劉長安題薛周逸老亭中隱堂五首

鳳翔八觀

石鼓
東湖

四楚文
直興寺門

王維吳道子畫
李元固

塑維摩像
秦穆公墓

將如終南太平宮讀書

將往終南和子由見寄

曾氏閣懷趙薦

行至磻溪未明

自磻溪憇翠巖亭

自陽平宿南山磻龍寺

懷賢閣

第二卷

詩八十三首

和子由記園中草木上首周公廟後潤德泉

避世堂

自清平鎮遊南山十一首

樓觀

仙遊潭五首

五郡

調水符

段延亭
吳氏山亭

人秦寺

招隱亭

凌虛臺

竹飈

漢陂魚

讀道藏

微雪南谿小酌至晚

題南溪竹上二小詩

會獵葦園

和子由木山引水二首

題興州晁太守新開古東池

華陰寄子由

和董傳留別

次韻柳子玉見寄

送曾子固倅越得燕字

王頤錢監求詩及草書

秀州僧本堂靜照堂

石蒼舒醉墨堂

送安博秀才失解西歸

送任汲通判黃州

和子由初到陳州見寄二首

次韻子由綠筠堂

送劉攽倅海陵

送錢藻出守婺州得英字

送呂希道知和州

次韻王誨夜坐

送文與可出守陵州

送劉道原歸觀南康

和所乘船上小詩八首

次韻張安道讀杜詩

送張安道赴南都留臺

傅堯俞濟源草堂

陸龍圖詵挽詞

胡完夫母周夫人挽詞

和柳子玉過陳絕糧二首

穎州初別子由二首

歐陽少師命賦所蓄石屏

陪歐陽公燕西湖

將至渦口遇風留宿

出穎口初見淮山

壽州李定出餞城東龍潭上

濠州七絕

望山 虞姬墓

彭祖廟 四聖亭

逍遙臺 碑山洞

觀魚臺

第三卷

詩七十六首

泗州僧伽塔

龜山

發洪澤中塗遇大風復還

十月十六日記所見

廣陵會三同舍三首

劉貢父 劉莘於

陸巨厚

遊金山寺

自金山放船至焦山

甘露寺

次韻子由柳湖感物

送蔡冠卿知饒州

次韻楊褒早春

初到杭州寄子由二絕

次韻柳子玉二首

地爐 紙帳

遊孤山訪惠勤惠思二僧

李杞見和復用元韻答之

再和

遊靈隱寺得來詩復用前韻

戲子由

越州張中含壽樂堂

姚屯田挽詞

送岑著作

吉祥寺賞牡丹

吉祥寺僧求閣名

和劉道原見寄

和劉道原詠史

和劉道原寄張師民

送張職方吉甫赴闕漕

雨中遊天竺靈感觀音院

和蔡準見邀遊西湖三首

和子由柳湖并山茶二首

望湖樓醉書

七月一日出城舟中苦熱

宿餘杭法喜寺懷孫莘老

宿臨安淨土寺

自淨土步至功臣寺

遊徑山

徑山回招呂察推宿湖上

宿望湖樓再和

夜泛西湖五絕

焦千之求惠山泉詩

答任師中次韻

沈諫議召遊湖不赴二絕 和歐陽少師會老堂次韻

和歐陽少師寄趙少師次韻

監試呈諸試官 望海樓晚景五絕

試院煎茶 孫莘老求墨妙亭詩

李公擇求黃鶴樓詩 看月懷子由并崔度賢良

催試官考較戲作 復登望海樓和前篇五首

第四卷

詩八十八首

秋懷二首 哭歐公僧惠思示詩次韻

梵天寺僧守詮小詩次韻 和陳述古拒霜花

和沈立之留川二首 次韻孔文冲推官見贈

湯村開運鹽河中曾役 宿水陸寺寄清順僧二首

客位假寐 鹽官部役戲呈同事

賀朱壽昌郎中得母所在 將之湖州戲贈莘老

鴉種麥行

鹽官絕句四首 南寺千佛閣 七寺悟空禪師塔 塔前古檜 僧奕白鷄

送張軒民寺丞赴省試 六和寺冲師間山溪為水軒

和致仕張郎中春書 冬三日獨遊吉祥寺

後十餘日復至 戲贈

和人求筆跡 再用前韻寄莘老

畫魚歌

吳中田婦歎

戲贈賈收秀才三首

遊道場山何山

贈莘老七絕

天慶觀園亭道士乞名與詩

至秀州贈錢端公安道

報本禪院文長老方丈

王復秀才以居雙檜一首

宋對達家聽琵琶

元日次韻張子野見和七夕

雜興答鮮于子駿

次韻荅章傳見贈

法惠寺橫翠閣

祥符寺九曲觀燈

上元過祥符僧房無燈火

病後述古遊徃城外尋春

用前韻寺述古移厨

飲湖上初晴後雨二首

李節推雨風水洞見待

風水洞二首和李節推

獨遊富陽普照寺

自普照遊二庵

妙庭觀發地得丹鼎二首

新城蓮中二首

山村五絕

湖上夜歸

寒食未明至湖上

次韻孫莘老見贈

贈別

次韻別

月兔茶

薄今世

吉祥花將落述古不至

述古明日即來復用前韻

李鈗轄坐上分題戴花

於潛今日同年野翁亭

於潛女

自昌化步至治平寺二首

於潛僧綠筠軒

與臨安令宗人同年別飲 寶山晝睡

第五卷

詩一百三首

僧清順新作垂雲亭 與呂仲有等同泛湖遊比山

有美堂和周郊見寄二首 席上代人贈別三首

天目山上不聞雷震 進和子由洛下所寄五首

過廣愛寺三首 韓子華石淙莊

立秋日禱雨宿靈隱寺 獨遊靜慈塔周長官見寄

病中遊祖塔院 麻跪泉

佛日山榮長老方丈五絕 癸丑春分後雪

孤山二詠 枯堂竹閣

與述古自有美堂乘月夜歸

有美堂暴雨

八月十五日看潮五絕

東陽水樂亭

遊徑山次韻二首

臨安三絕 將軍村 錦溪

登玲瓏山

宿九仙山

陌上花三首

遊東西巖

宿海會寺

海會寺清心堂

徑山道中次韻答周長官

次韻汪暉秀才見寄

再遊徑山

洞霄宮

述古召飲介亭以病先起

重九亦以病不赴述古會

泛舟至懃師院二首

戲魯少卿

佛舍飲茶戲書

湖上尋周李二君不見

送杜麻原三椽罷官歸鄉

次韻周長官同餞魯少卿

次韻述古過周長官夜飲

述古以詩見責屢不赴會

跋李留臺與二錢唱和四絕

荅胡穆秀才遺古銅器

賀陳述古弟章生子

贈治易僧智周

張子野年八十五尚聞買妾

書雙竹湛師房二首

寶山新開徑

和述古冬日牡丹四首

和錢安道寄惠建茶

和柳子玉喜雪

弔天竺海月辯師三首

荅李頎秀才以畫山見寄

雪後至臨平見陳尉列

夜至永樂文長老院

柳氏二外生求墨迹二首

錢安道席上令歌者道服

除夜野宿常州城外二首

元日過丹陽寄魯元翰

古纏頭曲

刁同年草堂

登惠山絕頂望太湖

戲錢道人兩絕

和王蘇州侍太夫人觀燈二首

成都進士杜暹出家

第六卷

詩九十九首

席丘寺

常潤道中有懷錢塘五首

次韻刁景純賞瑞香花

同柳子玉遊鶴林招隱

景純見和復次韻贈之二首 柳子玉亦見和因以送之

荅子王家宴用前韻見寄 次韻景純見和二首

書金山寺壁 大風留金山兩日

俞康直所居四詠 退園 逸堂 遊軒 遠樓 遊鶴林招隱二首

書普慈長老壁 志誠 書焦山綸長老壁

刁景純席上和謝生二首 留別金山寶覺圓通二長老

無錫道中賦水車 次韻杭州周令見寄二首

雨中飲酒二首 次韻沈長官三首

戲書吳江三賢畫像三首 和劉孝對會虎丘二首

過永樂文長老已卒 贈張刁二老

題雲關梨壁

聽僧昭素琴

僧惠勤初罷僧職

遊靈隱高峰塔

天竺山送桂花分贈元素

捕蝗二首

青牛嶺小寺人迹罕到

新城陳氏園次晁補之韻

戲毛國華長官

興毛令方尉遊西菩寺二首

聽賢師琴

贈寫真何克秀才

次韻回先生三首

李行中秀才醉眠亭三首

甘露寺彈箏

聚遠樓三首

平山堂次王居卿祠部韻

次韻陳海州懷

次韻陳海州乘槎亭

次韻孫職方蒼梧山

次韻孫巨源九寄五絕

王莽

蕭卓

虎兒

除夜病中贈段屯田

次韻荅喬太博見和

二人再和亦再荅之

雪後書北臺壁二首

謝人見和前篇二首

鐵溝行贈喬太博

送客不及步至溪上二首

蘇州姚氏三瑞堂

莫笑銀杯小荅喬太博

送段屯田分得于字

和段屯田荆林館

贈上天竺辯才師

遊廬山次韻章傳道

廬山五詠

廬教洞 三泉

飲酒臺 障日峯

聖灯臺

第七卷

詩八十三首

次韻章傳道甚雨

謝那人田賀二生獻花

惜花

和頃教授見寄

和子由四首

韓太祝送遊太山 首夏官舍即事

送春 送李供備席上和李詩

西齋

小兒

寄劉孝對

孔長源挽詞二首

寄呂稷仲寺丞

余主簿母挽詞

送趙寺丞寄陳海州

荅陳述古二首

張安道樂全堂

張文裕挽詞

懷西湖寄晁美對同年

和梅戶曹金獵鐵溝

祭常山回小獵

和辛七出守湖州二首

和張子野見寄三絕句

和蔣夔寄茶

荅李邦直

和文與可洋川園池三十首

湖橋 橫湖 書軒 水池 竹塢 荻浦 寒嶼 望雲樓
天漢臺 待月臺 二樂榭 瀟泉亭 吏隱亭 霜筠亭
無言亭 露香亭 西虛亭 溪光亭 過溪亭 披錦亭
楔亭 菡萏亭 茶蘼洞 簞簞谷 寒蘆港 此君庵
金橙徑 南園 北園 野人廬

寄題刁景純歲春塢

王盤子血二首

和潞公超然臺次韻

聞喬太博換左藏知欽州

戲喬太博飲客

次韻貢父公擇見寄二首

寄黎眉州

和趙郎中補蝗見寄

登常山絕頂廣嚴亭

薄薄酒二首

同年王中甫挽詞

七月五日二首

復荅趙郎中見和

次韻周邦奇馮蕩山園二首

送碧香酒與趙明叔教授

趙既見和復次韻荅之

趙往吾縣還復以一壺遺之蘇潛聖挽詞

第八卷

詩七十二首

和晁同年九日見寄

送喬施州

雪夜獨宿柏仙庵

和孔郎中荆林馬上見寄

留別雩泉

留別釋迦院牡丹呈趙倅

留題董諸郎中故居

次韻劉貢父見戲

除夜大雪元日早晴遂行

大雪懷東武園亭寄孔周翰

次韻李公擇以詩相迎二首

和孔居亮郎中見贈

送范景仁遊洛中

次韻景仁留別

書韓幹牧馬圖

送魯元翰少卿知衛州

次韻送蔣夔赴代州學官

和李邦直沂山祈雨有應

宿州次韻劉涇

和孔密州五絕

見卽家園留題
和孟孟石上草書小詩

春步西園見寄
堂後白牡丹

東園梨花

和趙郎中見戲二首

和子由遊百步洪

次韻李邦直感舊

與梁先舒煥泛舟二首

次韻荅邦直子由四首

司馬君實獨樂園

送顏復無寄王鞏

蠟席

宿道遙堂追感前約二首

和子由會宿兩絕

留題石經院三首

過雲龍山人張天驥

贈王仲素寺丞

陽關詞三首

贈張繼愿

荅李公擇

中秋月

和孔周翰二絕

再觀家園留題
觀淨禪堂

京師吳任遠聖

答任師中家漢公

初別子由

次韻呂梁仲屯田

章質夫寄惠崔徽真

次韻答王鞏見寄

雨中送李邦直赴史館二首

代書答梁先

次韻仲屯田見寄

河復

韓幹馬十四匹

次韻吳正字王元曹二首

贈寫 御容妙善師

哭刁景純

答呂梁仲屯田

張寺丞益齋

答孔周翰求書與詩

送李公恕赴闕

第九卷

詩六十七首

春菜

送鄭戶曹

虔州八境圖八首

讀孟郊詩二首

訪張山人得山中字二首

送孔郎中赴陝

與梁左藏會飲傳國博家

寒食日答公擇三絕

約公擇欲是日大風

坐上賦戴花得天字

夜飲次韻畢推官

續麗人行

聞李公擇飲傳國博家二首起伏龍行

聞公擇過雲龍張山人

送李公擇

送荀芍藥與公擇二首

和孫莘老次韻

游張山人園

杜介熙熙堂

次韻荅劉涇

攜鼓樂游張山人園

種德亭

次韻荅文與可見寄

戲問辨才法師復歸上天竺

和子由送將官梁在藏仲通

次韻秦觀秀才見贈

鮮于子駿見遺吳道子畫

雨中過舒教授

次韻舒教授寄亦公擇

送鄭戶曹

次韻黃魯直見贈古風二首

次韻荅舒教授觀余所藏墨

送鄭戶曹賦席上果得榘子

送胡掾

荅仲屯田次韻

次韻荅密州宋國博

荅范祖禹

次韻荅王定國

芙蓉城

鄆州新堂月夜二首

送將官梁左藏赴莫州

次韻子由送趙以歸觀錢塘

中秋月三首

中秋見月寄和二首

戲王鞏自謂惡客

次韻王定國馬上見寄

與頓起孫勉泛舟得未字

次韻荅頓起二首

第十卷

詩七十八首

九日黃樓作

謝太虛以黃樓賦見寄

九日次韻王鞏

送頓起

送孫逸

李思訓畫長江絕巖圖

次韻荅王鞏

張安道見示近詩

次韻王鞏顏復同泛舟

次韻張十七九日贈子由

次韻王鞏獨眠

次韻王鞏留別

登雲龍山

次韻僧潛見贈

次韻潛師放魚

遊戲馬臺二首

滕縣時同年西園

次韻王廷老九日見寄

次韻參寥師寄秦觀三絕

與參寥師行園中得黃耳輩

百步洪二首

送參寥師

夜過舒堯文戲作

十月十五日觀月黃樓席上

荅王定民

次韻王廷老退居見寄二首

次韻長道韻送潘侍倅

雲龍山觀燒得雲字

和田國博喜雪三

祈雪霧猪泉贈舒堯文

次韻舒堯文祈雪霧猪泉

石炭

人日獵城南得鳥字

將官雷勝得過字代作

臺頭寺步月得人字

臺頭寺送宋齊元

種松得徠字

寄王晉卿憶寒食北城之游

和黃魯直次韻祭字詩

雪齋

以雙刀遺子由有詩次韻

游柏山得澤字

月夜與客飲酒杏花下

送蜀人張師厚赴殿試二首

次韻荅田國博部夫還二首

荅田國博見示石炭詩

荅郡中同僚賀雨

罷徐州往京南寄子由五首

次韻曹九章見贈

書泗州縣景山西軒

過淮二首贈景山兼寄子由

舟中夜起

去金山五年而復至

遊惠山

贈惠山僧惠表

贈錢道人

會松江得風字二首

次韻門今送魚

第十一卷

詩七十二首

次韻秦太虛見戲耳聾

端午遍游諸寺得禪字

送劉寺丞赴餘姚

荅李公擇見戲

王鞏清虛堂

和孫同年卞山龍洞禱晴

過費收水閣見其子三首

次韻孫秘丞見贈

與客游道場何山得鳥字

寄淨慈本長老

船轉風

丁公默送蝸蟬

送孫著作赴考坊

泛舟城南得人皆苦炎字

次韻李公擇梅花

送淵師歸徑山

送表忠觀錢道士歸杭

次韻周閑祖長官見寄

追和林子中寄文與可

遠城觀荷花得月明星稀

城南縣尉永亭得長字

與胡祠部遊法華山

又次前韻贈賈耘老

趙閱道高齋

送俞節推

次韻答孫侔

重寄

和劉貢甫登黃樓見寄二首

陳州與文郎逸民飲別

予由南都采陳三日而別

蔡州道上過雪二首

過新息留示鄉人任師中

過淮

書磨公詩後

游淨居寺

梅花二首

戲作種松

蕙松亭

張先生

陳季常西齋朱陳嫁娶圖

宿黃州禪智寺一絕

初到黃州

芝惠院寓居月夜偶出

次韻前篇

安國寺浴

安國寺尋春

定惠院海棠

次韻樂著作野步

雨中熟睡至晚強起

雨晴後步至西望亭二首

雨中看牡丹三首

次韻樂著作送酒

次韻樂著作天慶觀醮

王齊萬寓居武昌縣劉郎狀

醮醮花菩薩泉二首

戲作陳孟公詩

第十二卷

詩七十九首

游武昌寒溪西山寺

武昌銅劍歌

顛師開孺軒

石芝

齊安迎子由

遷居臨皋亭

曉至巴河口迎子由

與子由同游寒溪西山

次韻荅子由

和何長官六言

觀張師正所蓄辰砂

五禽言

次韻子由病酒肺疾發

往岐亭郡人潘古郭送余

鐵柱杖

與潘三失解後飲酒

東坡八首

題織錦圖上回文三首

姪安節遠來夜坐三首

冬至日贈安節

岐亭道上見梅花

樂全先生生日二首

杭州故人信至齊安

送牛尾狸與徐使君

四時詞

戲徐君猷孟亨之不飲酒

雪後到乾明寺遂宿

送安節十四首

和王鞏六首並次韻

記夢回文二首

三朵花

次韻陳四雪中賞梅

出郊尋春和女王城詩韻

偶至汪氏居仍用前韻

浚井

紅梅三首

和子由寄題孔平仲草庵

二蟲

陳季常見過三首

寒食雨二首

徐使君分新火

次韻荅元素

第十三卷

詩八十一首

蜜酒歌

荅二猶子與王郎見和

謝陳季常思一措巾

贈黃山人

問大治長老乞桃花茶栽

魚蠻子

弔李臺卿

曹既見和復次其韻

次韻孔毅甫集句見贈五首

復出東門仍用前韻

食柑

大寒步至東坡贈巢三

元脩美

三月三日點燈會客

上巳出游隨所見作句

日日出東門

南堂五首

次韻子由種杉竹

孔毅甫妻挽詞

次韻久旱已而甚雨三首

初秋寄子由

和黃魯直食筍次韻

聞子由為郡僚所掬

次韻王鞏南遷初歸二首

孔毅甫以詩戒飲酒次韻

任師中挽詞

繼子由頌石臺長老二首

鄧忠臣母周挽詞

徐君猷挽詞

和蔡景繁海州石室

和秦太虛梅花

再和潛師

橄欖

海棠

東坡

次韻王郎見慶生日并寄茶

別黃州

武昌山上聞黃州鼓角

宿石田驛南野人舍

將至筠先寄遲遠三猶子

端午游真如遲遠從

別子由三首

初別子由至奉新作

同年程筠求先墳二詩

思成堂
帶真亭

過建昌李野夫公擇故居

初入廬山三首

宿圓通禪院

戲子由并次慎老韻五首

過溫泉

戲徐凝瀑布詩

書李公擇白石山房

贈東林認長老

題西林壁

廬山二勝

開先漱玉亭
栖賢三峽橋

陶驥子駿佚老堂二首

和李太白

次韻道潛留別

第十四卷

詩七十九首

岐亭五首

郭祥正家醉畫竹石壁上

龍尾硯詩

以銅劍易張近龍尾子石硯

張作詩送硯反劍乃和歸劍

哭幹兒二首

葉致遠見和復次其韻二首

次荆公韻四絕

張庖民挽詩

次韻葉致遠見贈

次韻杭人裴維甫

次韻段縫見贈

題孫思邈真

戲作鮒魚一絕

同王勝之游蔣山

至真州再和二首

次韻荅寶覺

眉子石硯歌

玉帶施元長老

次韻滕元發許仲途秦少遊

送金山鄉僧歸蜀開堂

送沈逵赴廣南

豆粥

秦少遊賀劉發首薦次韻

金山夢中作

次韻周種惠石掉

次韻蔣穎村

龜山辯才師

贈潘谷

徐大正閑軒

欲傲蒜山松林中卜居

王中父象詞

蔡景繁官舍小閣

高郵陳真躬處士畫鴈二首

和王旂二首

次韻張璪

次韻王定國南遷回見寄

贈梁道人

雍秀才畫草蟲八物

信誠
天水牛

蟬

蝦蟇
野牛

蠅
鬼蝶

泗州蕭淵東軒二首

除夜黃師是送酥酒二首

章錢二君見知復次韻荅之

雪中過淮謁客回作二首

劉乙新作射亭

孫莘老寄墨四首

留題蘭皋亭

和人見贈

和田仲宣見贈

和王勝之三首

記夢

第十五卷

詩七十二首

寄靳輩與蒲傳正

寄怪石石斛與魯元翰

漁父四首

李憲仲哀詞

贈醫眼王生彥若

與歐育等六人飲酒

觀杭州鈴轄歐育刀劍戰袍

王伯別所藏趙昌畫四首

梅花 昔葵 芙蓉 山茶

寄吳德仁兼簡陳季常

題王逸少帖

書林逋詩後

和仲伯達

春日

贈素砂

蘇子容母陳夫人挽詞

歸宜興留題竹西寺三首

與孟震同遊常州僧舍三首 贈常州報恩長老二首

次韻谷質耘老

墨花

送竹几與謝秀才

溪陰堂

次韻許遵

贈章默

贈王尉

南都妙峰亭

神宗皇帝挽詞三首

金山妙高臺

贈杜介

次韻孫莘老斗野亭

送楊傑

次韻送徐大正

楊康功有石狀如醉道士

迨作淮口遇風詩戲用其韻

次韻徐積

築高麗亭館一絕

過容州次韻趙明村喬禹功

再過常山和昔年留別詩

再過超然臺贈太守霍翔

海市

登州孫氏松堂

過萊州雪後望三山

遺直坊

次韻趙令鑠

次韻王定國得預倅二首

次韻趙令鑠惠酒

次韻范純粹守慶州

次韻王震

次韻王定國謝韓子華過飲

惠崇春江曉景二首

次韻周邠

次韻胡完夫

次韻錢穆父

再次韻荅完夫穆父

次韻荅滿思復

第十六卷

詩八十八首

送戴蒙赴玉局觀

送陳睦知潭州

用前韻荅西掖諸公見和

次韻王觀正言喜雪

和蔣發運

送表弟程六知楚州

和人假山

送王伯敷守號

道者院池上作

次韻子由送千之姪

書文與可墨竹

次韻錢舍人病起

次韻和王鞏

同王鞏韻送其姪震知蔡州

蘇國夫人夜遊圖

用舊韻送魯元翰知洛州

次韻朱光庭初夏

次韻朱光庭喜雨

祭西太一和韓川韻四首

西太一見荆公詩次韻二首

次韻子由送陳侗知陝州

送賈訥倅眉二首

送程建用

次韻李脩孺留別二首

次韻黃魯直赤目

和周正孺陸馬傷手

戲周正孺二絕

題文與可墨竹

潘推官母李氏挽詞

玉堂栽花周正孺有詩次韻

杜介送魚

送杜介歸揚州

狄詠石屏

和黃魯直燒香二首

再和二首

武昌西山

再用前韻

送楊孟容

次韻子由與孔常父唱和詩

趙令晏崔白大圖幅徑三丈

次韻張昌言給事省宿

和三舍人省上

送錢承制赴黃西路分都監

次韻曾子開從駕二首

再和二首

次韻劉貢父省上

再和

送顧子敦奉使河朔

送家退翁知懷安軍

諸公錢子敦以病不往

和張昌言喜雨

次韻劉貢父西省種竹

荅孔常父見訪

李伯時所藏韓幹馬

次韻劉貢父獨直省中

次韻子由述懷四絕

送宋彭州迎侍二親

次韻張昌言喜雨

晁補之所藏與可畫竹三首

戲用晁補之韻

書皇親畫扇

書李世南所畫秋景

書王主簿所畫折枝二首

玉堂獨坐懷王定國

和張耒高麗松扇

故李承之待制挽詞

送張天覺河東提刑

送張天覺得山字

次韻王定國揚州倅

第十七卷

詩八十八首

贈李道士

次韻張舜民倅虢州留別

次韻米黻二王書跋尾二首

次韻宋肇惠澄心紙二首

郭熙秋山平遠二首

送歐陽辯監澶州酒

謝賜燕弁御書進詩一首

和王晉卿

謝王澤州寄長松二首

次韻劉貢父所和憶侍園一首

次韻劉貢父對姪扈駕

次韻韓康公置酒見留

次韻王都尉偶得耳疾

送喬全寄賀君六首

送家安國教授歸成都

和子由省宿致齋三首

次韻荅張天覺二首

次韻黃魯直畫馬

送李方村

和王晉卿送梅花

和宋肇遊西池次韻

書艾宣畫四首

竹鶴
杏花白鵝

黃精鹿
蓮龜

次韻答錢穆父作詩見及

次韻子由五月一日同轉對

韓康公挽詞三首

柏石圖詩

慶源宣義王文求紅帶

次韻送成都高士敷鈴轄

次前韻送程六表弟

和王晉卿題李伯時畫馬

送錢穆父出守越州二絕

戲書李伯時畫御馬好頭赤

送程七表弟知泗州

送曹輔赴閩漕

次韻王郎子立風雨有感

次韻黃魯直朝小德

書歸去來陽關二圖後二首

送塞道士歸廬山

直王堂詔賜官燭法酒

送周朝議守漢州

木山

聖俞詩
次韻

送周正孺知東川

送千乘千能兩姪還鄉

次前韻再送周正孺

題李伯時畫琴鶴圖二首

次韻王定國會飲清虛堂

書王定國所藏煙江疊嶂圖

王晉卿所藏著色山二首

次韻黃魯直歲寒知松柏

次韻王晉卿和煙江疊嶂圖

書李端對詩後

次韻謝景仁和賜酒燭詩

次韻劉貢父春日賜幡勝

再和

荅葉公秉王仲至見和

再和

次韻王晉卿惠花栽

次韻王晉卿上元侍燕端門

王鄭州挽詞

書王晉卿畫著色山二首

送呂昌明知嘉州

郭明父穎州西齋二首

第十八卷

詩一百一十五首

次韻秦少章和錢蒙仲

次韻錢越州

同秦仲二子雨中游寶山

去杭十五年復游西湖

與莫同年雨中飲湖上

送子由使契丹

次韻答劉景文左藏

送寄嵐軍通判葉朝奉

次登白石遺梅子明次韻

次韻錢越州見寄

取彈子渦石養石菖蒲

次韻毛滂法曹感雨詩

送鄧宗古還鄉

參寥得智果院分韻得心字

哭王子立次兒子迨韻三首

異鵲

次韻詹適宣德小飲巽亭

東川清絲寄魯冀州賦贈

以大龍團報垂雲新茶

次韻王忠玉遊虎丘三絕

寄蔡子華

和錢四寄其弟懋

次韻荅順閣梨以詩見招

故周茂村先生獮谿

次韻子由涿州見寄四首

次韻荅劉景文見贈

次韻劉景文周次元游西湖

次韻荅王忠玉

次韻荅程朝奉謝送新茶

次韻送張山人歸彭城

次韻林子中王彥祖唱壽

壽星院寒碧軒

書王子敬帖絕句

書宗少文一筆畫

與劉景文賞枇杷

又和劉景文韻

西湖壽星院此君軒

送仲天貺王元直五首

贈善相程傑

次韻林子中蒜山亭見寄

再和并答楊次公

次韻劉景文送錢蒙仲三首

菩提寺南漪堂杜鵑花

題楊次公春蘭

題楊次公蕙

次韻曹輔寄望源試落新牙

次韻素公濟謝芳樹詩

和楊次公惠徑山龍井水

次韻劉景文登介亭

復次韻答素公濟

介亭錢楊傑次公

送表弟程繁赴夔州運判

復次韻字韻記龍井之游
次韻林子中見寄

安州老人食蜜歌

次韻錢穆父紫微花二首

送張嘉州

次韻蘇伯固王簿重九

送李陶通直赴清溪

次韻楊公濟奉議梅花十首

贈劉景文

謝關若長送紅梅栽二首

次辯才韻賦過溪亭

送程之邵簽判赴關

寄題梅宣義園亭

園空和都廳舊題呈三通守

和唐老猷詩送其子炯二首

送江公著知吉州

送錢道士酒二壺

次韻劉景文路分上元

再和楊公濟梅花十絕

相視新河次張素道韻二首

搜筭

次韻曹子方雪中同游西湖

次韻參寥同前

書潭令公燕魚朝恩圖

真覺院瑞香花

次韻仲殊雪中游西湖二首

送小本禪師赴法雲

第十九卷

詩三首

息壤詩

新渠詩

顏樂亭詩

詞十三首

太白詞五首

上清詞

歸來引

清溪詞

錢君倚哀詞

蘇世美哀詞

黃泥坂詞

李仲蒙哀詞

傷春詞

賦七首

滄頰堆賦

昆陽城賦

服胡麻賦

後赤壁賦

屈原廟賦

後杞菊賦

赤壁賦

第二十卷

銘二十首

却鼠刀銘

金星洞銘

山堂銘

徐州蓮華漏銘

菩薩泉銘

六一泉銘

頌一首

仁宗皇帝御書頌

贊十七首

硯銘九首

文與可琴銘

遠遊庵銘

三槐堂銘

石鼎銘

大覺鼎銘

孔北海贊

王仲儀真贊

秦少游真贊

徐大正真贊

戒壇院文與可畫墨竹贊

文與可飛白贊

黃庭經贊

韓幹畫馬贊

石菖蒲贊

王元之畫像贊

王定國真贊

參寥子真贊

文與可墨竹屏風贊

石室先生畫竹贊

郭忠恕畫贊

興國寺浴室院六祖畫贊

師子屏風贊

第二十一卷

論八首

省試刑賞忠厚之至論

御試重巽申命論

學士院試孔子後先進論

學士院試春秋之天下邪正論

後正統論三首

思治論

第二十二卷

策問十八首

私試策問八首

永興軍秋試策問

國學秋試策問二首

試館職策問三首

省試策問三首

省試宗室策問

第二十三卷

雜文二十二首

明正

雜說

日喻

問養生

怪石供

後怪石供

書劉庭式事

書狄武襄事

書孟德傳後

書六一居士傳後

書邴邴篆後

書鮮于子駿楚詞後

書遊湯泉詩後

書歐陽公黃牛廟詩後

書蒲永昇畫後

書樂毅論後

書韓魏公黃州詩後

書李伯時山莊圖後

書唐氏六家書後

書篆題後

書吳道子畫後

書朱象先畫後

第二十四卷

叙十五首

南行前集叙

送章子車詩叙

牡丹記叙

送杭州進士詩叙

邵茂誠詩集叙

錢塘勤上人詩集叙

鳧繹先生詩集叙

徐州庶鳴燕賦詩叙

王定國詩集叙

聖散子叙

田表聖奏議叙

樂全先生文集叙

范文正公文集叙

居士集叙

晁君成詩集叙

字說三首

文與可字說

楊薦字說

張厚之忠甫字說

第二十五卷

表狀三十三首

密州謝上表

徐州謝上表

徐州謝獎諭表

徐州賀河平表

湖州謝上表

到黃州謝表

謝失覺察妖賊放罪表

乞常州居住表

登州謝上表二首

辭免起居舍人第二狀

謝中書舍人表二首

辭免翰林學士第二狀

謝翰林學士表二首

笏記二首

謝除侍讀表二首

謝三次早出院表

謝量移汝州表

到常州謝表二首

辭免起居舍人第一狀

辭免中書舍人狀

辭免翰林學士第一狀

謝宣召院表二首

謝賜對衣金帶馬表二首

辭免侍讀狀

謝賜御書詩表

第二十六卷

表十六首 笏記附

謝除龍圖閣學士表二首

笏記二首

杭州謝放罪表二首

謝賜曆日詔書表二首

賀坤成節表

啓十一首

謝秋賦試官啓

謝制科啓

謝賜對衣金帶馬表二首

杭州謝上表二首

賀賜書表二首

賀興龍節表

謝南省王文啓五首

賀揚龍圖啓

鳳翔到任謝執政啓

賀吳副樞啓

答許狀元啓

第二十七卷

啓三十首

謝館職啓

賀韓丞相啓

答曾學士啓

賀歐陽少師致仕啓

賀韓丞相再入啓

密州到任謝執政啓

答楊屯田啓二首

謝監司薦舉啓

徐州謝兩府啓

賀呂副樞啓

賀趙大資致仕啓

答陳齋郎啓

賀文太尉啓

登州謝兩府啓

謝中書舍人啓

謝翰林學士啓

答試館職人啓

答李寶文啓

答王欽臣啓

答彭舍人啓

謝賈朝奉啓

賀范端明啓

答范端明啓

杭州謝執政啓

答杭州交代啓

答莫提刑啓

答王明州啓

謝生日詩啓

賀林待制啓

第二十八卷

書十一首

上海直隸書

上韓太尉書

上富丞相書

上曾丞相書

應制舉上兩制書

上劉侍讀書

上韓魏公論場務書

上蔡省主論放欠書

答安師孟書

與曾子固書

上韓魏公乞葬董傳書

第二十九卷

書一十首

上韓丞相論災傷手實書 上文侍中論強盜賞錢書

上文侍中論權鹽書

答舒煥書

答黃魯直書

答宋寺丞書

黃州上文路公書

謝張太保撰先人墓碣書

與章子厚書

答李端對書

第三十卷

書九首

答秦太虛書

答李綜書

答陳師仲書

答畢仲舉書

與朱鄂州書

答李昭玘書

答李廌書

答張文潛書

答毛滂書

第三十一卷

記十三首

清風閣記

喜雨亭記

鳳鳴驛記

凌虛臺記

中和勝相院記

四菩薩閣記

墨君堂記

淨因院畫記

墨妙亭記

墨寶堂記

錢塘六井記

仁宗皇帝御飛白記

大悲閣記 杭州安國寺

第三十二卷

記十四首

超然臺記

零泉記

醉白堂記

蓋公堂記

李氏山房藏書記

寶繪堂記

眉山遠景樓記

滕縣公堂記

莊子祠堂記

放鶴亭記

思堂記

遊相山記

靈壁張氏園亭記

文與可畫竹當谷偃竹記

第二十三卷

記五首

石氏畫苑記

黃州安國寺記

石鍾山記

李太白碑陰記

薦誠禪院五百羅漢記

碑二首

表忠觀碑

宸奎閣碑

傳二首

陳公弼傳

方山子傳

第三十四卷

青詞二首

鳳翔醮土火星青詞

徐州祈雨青詞

祝文三十四首

禱雨蟠溪文

鳳翔大白山祈雨文

奏乞封太白山神狀

告封太白山明應公文

杭州祭諸神文十首

密州祭常山文五首

徐州祭祐骨文

謝雪文

祭風伯雨師文

湖州謁文宣王廟文

湖州謁諸廟文

杭州謁廟祝文

謁文宣王廟祝文

祭英烈王文

杭州祝文八首

第三十五卷

祭文二十五首

祭歐陽文忠公文

祭魏國韓令公文

祭柳子玉文

祭單君貺文

祭胡執中郎中文

祭任鈐轄文

祭歐陽仲純父文

祭王君錫丈人文

祭文與可文

祭刁景純墓文

祭張子野文

祭陳令舉文

祭任師中文

祭堂兄子正文

黃州再祭文與可文

祭徐君猷文

祭陳君式文

祭蔡景繁文

祭歐陽伯和父文

祭石幼安文

祭司馬君實文

祭王宜甫文

祭范蜀公文

祭黃幾道文

祭歐陽文忠公夫人文

第三十六卷

行狀一首

司馬溫公行狀

第三十七卷

神道碑一首

富鄭公神道碑

第三十八卷

神道碑一首

趙清獻公神道碑

第三十九卷

神道碑一首

司馬溫公神道碑

墓誌四首

范景仁墓誌銘

乳母任氏墓誌銘

第四十卷

亡妻王氏墓誌銘

保母楊氏墓誌銘

釋教二十三首

勝相院經藏記

真相院釋迦舍利塔銘

法雲寺鍾銘

淡軒銘

阿彌陀佛頌

送壽聖聰長老偈

玉石偈

磨衲贊

金山長老寶覺師真贊

大悲閣記 成都府

大別方丈銘

召伯埭鍾銘

石恪畫維摩頌

魚枕冠頌

朱壽昌梁武懺贊偈

地獄變相偈

小篆般若心經贊

資福白長老真贊

光道人真贊

書楞伽經後

書正信和尚塔銘後

淨因淨照禪老真贊

書黃魯直李氏傳後

東坡集

此集詩凡一千四百七十三首

後集詩凡四百七十八首

續集詩凡六百四十六首

三集詩總計二千五百九十七首

王集詩總計二千五百五十六首

東坡集卷第一

詩四十七首

辛丑十一月十九日既與子由別於鄭州

西門之外馬上賦詩一篇寄之

王集十六卷

不飲胡為醉兀兀此心已逐歸鞍發歸人猶自念庭
闈今我何以慰寂寞登高回首坡隴隔惟見烏帽出
復沒苦寒念爾衣裘薄獨騎瘦馬踏殘月路人行歌
居人樂僮僕怪我善懷惻亦知人生要有別但恐歲
月去飄忽寒燈相對記疇昔夜雨何時聽蕭瑟君知
此意不可忘慎勿苦愛高官職

嘗有夜雨對床
之言故云爾

和子由澠池懷舊 日上

人生到處知何似，應似飛鴻踏雪泥。泥上偶然留指
爪，鴻飛那復計東西。老僧已死成新塔，壞壁無由見
舊題。往日崎嶇還記否，路長人困塞驢嘶。注：歲馬死於二度驢

澠池至

次韻和劉京兆石林亭之作石本唐苑中
物散流民間劉購得之 日卷九

都城日荒廢，往事不可還。惟餘故苑石，漂散尚人間。
公來始購蓄，不憚道里艱。盡從塵埃中，來對冰雪顏。
瘦骨拔凜凜，蒼根漱潺潺。唐人唯奇章，好石古莫攀。

盡令屬牛氏，刺鑿紛班班。嗟此本何常，聚散實循環。
人失亦人得，要不出區寰。君看劉李未，不能保河關。
況此百株石，鴻毛於太山。但當對石飲，萬事付等閑。

壬寅二月有詔，令郡史分往屬縣減決
囚禁。自十三日受命出府，至寶雞號郿，盤
屋四縣既畢事，因也朝謁太平宮而宿於
南溪溪堂，遂並南山而西，至樓觀大秦寺，
延生觀仙遊潭。十九日廼歸，作詩五百言，
以記凡所經歷者。寄子由 王集卷才一

遠人罹水旱 王命釋俘囚 分縣傳明詔 循山得勝

遊蕭條初出郭曠蕩實消憂薄暮來孤鎮登臨憶武
 侯崢嶸依絕壁蒼茫瞰奔流半夜人呼急橫空火氣
 浮天遙殊不辨風急已難收曉入陳倉縣猶餘賣酒
 樓煙煤已狼藉吏卒尚呀咻十三日富武城鎮即俗所謂石鼻寨也云孔明所築是夜二鼓齊放火作相去三十里而見於武成雞嶺雲霞古龍宮殿宇幽
 峯龍宮寺南山連大散歸路走吾州欲往安能遂將
 還為少留回趨西號道却渡小河洲聞道磻溪石猶
 存渭水頭蒼崖雖有迹大釣本無鈎十四日自實雞磻溪石在縣東南十八里猶有棧竿晚雨所著之處東去過郿塢孤城象漢
 劉誰言董公健竟復伍子離白刃俄生肘黃金漫似

丘十五日至郿縣有董卓城平生聞太白一見駐

行騶鼓角誰能試風雷果致不巖崖已奇絕冰雪更

凋鏤春早憂無麥山靈喜有湫蛟龍懶方睡餅罐小

容偷是日晚自郿起至青秋鎮宿道過太白山相傳云軍行鳴鼓角過山下輒致雷雨山上者秋甚

靈以今歲早方議取之二曲林泉勝三川氣象侔近山薶麥早

臨水竹篁脩十六日至盡屋以近由地美氣候殊早縣有官竹園十數里不絕先帝

膺符命行宮畫冕旒侍臣簪武弁女樂抱箜篌秘殿

開金鑲神人控玉蚪黑衣橫巨劔被髮凜雙眸十七日

食自盤屋東南行二十餘里朝謁太平宮二聖御

容此宮乃太宗皇帝時有神降於道士張守真以
 告受命之符所為立也 邂逅逢佳士相將弄綵舟投
 神封翊聖將軍有殿

篙披綠行濯足亂清溝晚宿南谿上森如水國秋遠

湖栽翠密終夜響颼颼是日與監宮張杲之汎冒曉

窮幽邃操戈畏炳彪十八日循終南而西縣尉以甲

虎尹生猶有宅老氏舊停輶問道遺蹤在登仙往事

悠馭風歸汗漫閱世似蜉蝣羽客知人意瑤琴繫馬

鞦不辭山寺遠來作鹿鳴叻帝子傳聞李巖堂髣像

緜輕風幃幔卷落日髻鬟愁入谷音驚蒙密登坡費

挽樓亂峰嶢似梨一水淡如油中使何年到金龍自

古投千重橫翠石百丈見游儵最愛泉鳴洞初嘗雪

入喉滿餅雖可致洗耳歎無由是日遊崇聖觀俗所

宅山脚有樓經臺尚在遂與張杲之同至大秦寺早
食而別有太平宮道士觀有花琴見逸至唐玉真
公引道之遺迹下山而西行十數里南入黑水谷
谷中有潭名仙遊潭上有寺三倚峻峯面清溪樹林
深翠怪石不可勝數潭水以繩維石數百尺不得其
底以瓦礫枝之翔揚徐下食頃乃不見其清激如此
遂宿於中興寺寺中有玉女洞洞中不見其清激如此
日以泉二餅歸至忽憶尋蟆培方冬脫鹿裘山川良
甚似水石亦堪儔惟有泉旁飲無人自獻鼎昔與子

太白山下早行至橫渠鎮書崇壽院壁同上

馬上續殘夢不知朝日昇亂山橫翠幃落月淡孤燈
奔走煩郵吏安閑媿老僧再遊應眷眷聊亦記吾曾

留題延生觀後山上小堂

王集卷五

溪山愈好意無厭上到嶢嶢第幾尖深谷野禽毛羽怪上方仙子鬢眉纖不慙弄玉騎丹鳳應逐常娥駕老蟾澗草巖花自無主晚來蝴蝶入疎簾

留題仙遊潭中興寺寺東有五女洞洞南有馬融讀書石室過潭而南山石益奇潭上有橋畏其險不敢渡

同卷八

清潭百丈皎無涯山木陰陰谷鳥啼蜀客曾遊明月峽秦人今在武陵溪獨攀書室窺巖竇還訪仙姝款石闥猶有愛山心未至不將雙脚踏飛梯

石鼻城

同卷四

平時戰國今無在陌上征夫自不閑北客初來試新險蜀人從此送殘山獨穿暗月朦朧裏愁渡奔河蒼茫間漸入西南風景變道邊脩竹水潺潺

碯溪石

同卷八

墨突不暇黔孔席未嘗暖安知渭上叟跪石留雙斝一朝嬰世故辛苦平多難亦欲就安眠旅人譏客媿

郿塢

同卷四

衣中甲厚行何懼塢裏金多退足憑畢竟英雄誰得似臍胎自照不須燈

樓觀

秦始皇始立老子廟於觀南晉惠始修此觀

同卷五

門前古碣卧斜陽閱世如派事可傷長有遊人悲晉
惠強修遺廟學秦皇丹砂久窖井水赤白木誰燒厨
竈香聞道神仙亦相過只疑田叟是庚桑

九月二十日微雪懷子由弟二首

同卷七

岐陽九月天微雪已作蕭條歲暮心短日送寒砧杵
急冷官無事屋廬深愁腸別後能消酒白髮秋來已
上簪近買貂裘堪出塞忽思乘傳問西縣
江上同舟詩滿篋鄭西分馬涕垂膺未成報國慙書
劍豈不懷歸畏友用官舍度秋驚歲晚寺樓見雪與

誰登遙知讀易東窓下車馬敲門定不應

病中聞子由得告不赴商州三首

同卷十六

病中聞汝免來商旅鴈何時更著行遠別不知官爵
好思歸苦覺歲年長著書多暇真良計從官無功浸
去鄉惟有王城最堪隱萬人如海一身藏
近從章子聞渠說苦道商人望汝來說客有靈慙直
道通翁久沒馱凡才夷音僅可通名姓瘦俗無由辨
頸顯荅策不堪宜落此上書求免之何哉章子厚也
辭官不出意誰知敢向清時怨位卑萬事悠悠付杯
酒添年冉冉入雙鬢策曾忤世人嫌汝易可忘憂家

有師此外知心更誰是夢魂相覓苦參差

病中大雪數日未嘗起觀躡令趙薦以詩

相屬戲用其韻答之 日卷七

經旬卧齋閣終日親劑和去不知雪已深但覺寒無

柰飄蕭窓紙鳴堆壓簷板墮 關中皆以板為簷 風颭助凝列

悻慢困掀歎惟思近醇醲未敢窺璨瑳何時反炎赤

却欲躬曰磨誰云座無檀尚有裘充貨西隣歌吹發

促席寒威挫崩騰踏成逕繚繞飛入坐人歡在先融

飲雋餅屢卧嗟余獨愁寂空室自困珂欲為後日賞

恐被遊塵泥寒更報新霽皎月懸半破有客獨苦吟

清夜默自課詩人例寫寒秀句出寒餓何當暴雪霜
庶以囁郊質

歲晚相與餽問為餽歲酒食相邀呼為別

歲至除夜遠旦不眠為守歲蜀之風俗如

是余官於歧下歲暮思歸而不可得故為

此三詩寄子由弟 日卷六

餽歲

農功各已收歲事得相佐為歡恐無見假物不論貨

山川隨出產貧富稱小大寘盤巨經橫發籠 去 雙兔

卧富人事華靡絳繡光翻座貧者愧不能微挈出春

磨官居故人少里巷佳節過亦欲舉鄉風獨倡無人
和

別歲

故人遠千里臨別尚遲遲人行猶可復歲行那可追
問歲安所之遠在天一涯已逐東流水赴海歸無時
東隣酒初熟西舍蔬亦肥且為一日歡慰此窮年悲
勿嗟舊歲別行與新歲辭去去勿回顧還君老與衰

守歲

欲知垂盡歲有似赴壑地脩鱗半已沒去意誰能遮
况欲繫其尾雖勤知奈何兒童強不睡相守夜謹謹

晨鐘且勿唱更鼓畏添過坐久燈燼落起看北斗斜
明年豈無年心事恐蹉跎努力盡今夕少年猶可誇

和子由踏青

春風陌上鶯微塵遊人初樂歲華新入閑正好路旁
飲麥短未怕遊車輪城中居人獸城郭喧闐曉出空
西隣歌鼓驚山草木動簾瓢散野烏鶯馴何人聚眾
稱道人遮道賣符色怒瞋宜蠶使汝蠶如甕宜畜使
汝羊如麝路人未必信此語強為買服襪新春道人
得錢往沽酒醉倒自謂吾符神

和子由蠶市

蜀人衣食常苦艱蜀人遊樂不知還千人耕種萬人
食一年辛苦一春閑閑時尚以蠶為市共忘辛苦逐
欣歡去年霜降斫秋菽今年箔積如連山破瓢為輪
土為釜爭買不翅金與紙憶昔與子皆童非年年廢
書走市觀市人爭誇閩巧智野人嗜逆遭欺謾詩來
使我感舊事下悲去國悲流年

和子由苦寒見寄

人生不滿百一別費三年三年吾有幾弃擲埋無還
長恐別離中推我髮與顏念昔喜著書別來不成篇
細思平時樂乃而憂所緣吾從天下士莫如與子歡

羨子久不出讀書蟲生擅文夫重出處不退要當前
西羌解仇隙猛士憂塞孺廟謀雖不戰虜意久欺天
山西良家子錦緣貂裘鮮千金買戰馬百寶粧刀環
何時逐汝去與虜試周旋

和子由論書

同卷十一

吾雖不善書曉書莫如我苟能通其意常謂不學可
貌妍容有矚璧美何妨橢端莊雜流麗剛健含婀娜
好之每自譏不謂子亦頗書成輒弃去終被旁人裹
皆云本闊落結束入細麻子詩亦見推語重未敢荷
邇來又學射力薄愁官寄

官箭十二把箭耳多好竟無

成不精安用夥何當盡屏去萬事付懶惰吾聞古書
法守嚴莫如破世俗筆苦驕衆中強鬼賊鍾張忽已
遠此語與時左

記所見開元寺吳道子畫佛滅度以答子

由 日卷四

西方真人誰所見衣被七寶從雙後當時脩道頗辛
苦柏生兩肘烏巢肩初如濛濛隱山玉漸如濯濯出
水蓮道成一旦就空滅奔會四海悲人天翔禽哀響
動林谷獸鬼躑躅淚迸泉龐眉深目彼誰子逸牀彈
指性自圓隱如寒月墮清晝空有孤光留故躔春遊

古寺拂塵壁遺像久此靈香煙畫師不復寫名姓
云道子口所傳後橫固已蕤孫鄧有如巨鱗吞小鮮
來詩所誇孰與此安得攜掛其旁觀

和子由寒食

寒食今年二月晦樹林深翠已生煙遠城駿馬誰能
借到處名園意盡便但挂酒壺那計盞偶題詩句不
須編忽聞帝賜鷲羈於江上何人治廢田

和劉長安題薛周逸老亭周最善飲酒未

七十而致仕 日卷九

近聞薛公子早退鷲常流買園招野鶴鑿井動潛虬

自言酒中趣一斗勝涼州
飄然拂衣去親愛挽不留
隱居亦何樂素志庶可求
所亡嗟無幾所得不啻酬
青春為君好白日為君悠
山鳥奏琴筑野花弄閑幽
雖辭功與名其樂實素侯
至今清夜夢尚驚冠豎頭
誰能載美酒往以大白浮
之子雖不識因公可與遊

中隱堂詩

并敘 曰卷三

岐山宰王君紳其祖故蜀人也避亂來長安而遂家焉其居第園圃有名長安城中號中隱堂者是也予之長安王君以書戒其子弟邀予遊且乞詩甚勤因為作此五篇

去蜀初邈難遊秦遂不歸園荒喬木老堂在昔人非
鑿石清泉激開門野鶴飛退居吾久念長恐此心違
徑轉如脩蟒坡垂似伏鼈樹從何代有人與此堂高
好古嗟生晚偷閑猷久勞王孫早歸隱塵土污君袍
二月驚梅晚幽香此地無依依慰遠客皎皎似吳姝
不恨故園隔空嗟芳歲徂春深桃杏亂笑汝益羈孤
翠石如鸚鵡何年別海孺貢隨商使遠載墜謂舟偏
已伴喬松老那知故國遷金人解解漢汝獨不潛然
都城更幾姓到處有殘碑古隧埋蝌蚪崩崖露伏龜
安排壯亭榭收拾費金貲岫嶺何須到韓公浪自悲

鳳翔八觀

并敘

日卷二

鳳翔八觀詩記可觀者八也昔司馬子長登會稽探禹穴不遠千里而李太白亦以七澤之觀至荊州二子蓋悲世悼俗自傷不見古人而欲一觀其遺迹故其勤如此鳳翔當秦蜀之交士大夫之所朝夕往來此八觀者又皆跬步可至而好事者有不能徧觀焉故作詩以告欲觀而不知者

石鼓

冬十二月歲辛丑我初從政見魯叟舊聞石鼓今見之文字鬱律蛟蛇走細觀初以指畫肚欲讀嗟如箱

在口韓公好古生已遲我今况又百年後強尋編旁

推點畫時得一二遺八九我車既攻馬亦同其魚維

興貫之柳其詞云我車既攻我馬既同又云其魚維

多句不可讀通古器縱橫猶識鼎象星錯落僅名斗模糊

半已似癡眩詰曲猶能辨跟肘娟娟缺月隱雲霧濯

濯嘉禾秀莢秀漂流百戰偶然存獨立千載誰與友

上追軒頡相唯諾下揖冰斯同敵穀憶昔周宣歌鴻

鴈當時籀史變蝌蚪馱亂人方思聖賢中興天為生

耆者東征徐虜闕虓虎北伏犬戎隨拍犴象骨雜沓

貢狼鹿方邵聯翩賜圭卣遂因鼓聲思將帥豈為考

擊煩矇眊何人作頌比崧高萬古斯文齊岫嶽勲勞
 至大不矜伐文武未遠猶忠厚欲尋年歲無甲乙豈
 有名字記誰某自從周衰更七國竟使秦人有九有
 掃除詩書誦法律投奔俎豆陳鞭祖當年誰人佐祖
 龍上蔡公子牽黃狗登山刺石頌功烈後者無繼前
 無偶皆云皇帝巡四國烹滅強暴救黔首六經既已
 委灰塵此鼓亦當遭擊剖傳聞九鼎淪泗上欲使萬
 夫沉水取暴君縱欲窮人力神物義不汙秦垢是時
 石鼓何處避無乃天公令鬼守興三百變物自開富
 貴一朝名不朽細思物理坐歎息人生安得如汝壽

咀楚文

碑獲於開元寺於土下今在太守便
 今墓在開元寺之東有數十步則寺堂祈
 年之故基耶淮南王遜於蜀至雍道病卒
 則雍非長安此乃古雍也

崢嶸開元寺髣髴祈年觀舊築掃成空古碑埋不爛
 詛書雖可讀字法嗟久換詞云秦嗣王敢使祝用瓚
 先君穆公世與楚約相捍質之於巫咸萬葉期不叛
 今其後嗣王乃敢構多難刳胎殺無罪親族遭圍絆
 計其所稱訴何啻桀紂亂吾聞古秦俗面詐背不汗
 豈惟公子邛社鬼亦遭謾遼哉一歲後我一笑祭

王維吳道子畫

何處訪吳畫普門與開元開元有東塔摩詰留手痕
吾觀畫品中莫如二子尊道子實雄放浩如海波翻
當其下手風雨快筆所未到氣已吞亭亭雙林間彩
暈扶桑暎中有至人談寂滅悟者悲涕迷者手自捫
蠻君鬼伯千萬萬相排競進頭如黿摩詰本詩老佩
芷蘘芳蓀今觀此壁畫亦若其詩清且敦祇園弟子
盡鶴骨心如死灰不復溫門前兩叢竹雪節貫霜根
交柯亂葉動無數一一皆可尋其源吳生雖妙絕猶
以畫工論摩詰得之於象外有如仙翻謝籠樊吾觀
二子皆神俊又於維也歟稚無間言

維摩像唐楊惠之塑在天柱寺

昔者子輿病且死其友子祀往問之躄躄鑿井自嘆
息造物將安以我為今觀古塑維摩像病骨磊嵬如
枯龜乃知至人外生死此身變化浮雲隨世人豈不
頑且好身雖未病心已疲此叟神完中有恃談笑可
却千熊羆當其在時或問法俛首無言心自知至今
遺像兀不語與昔未死無增虧田翁俚婦那肯顧時
有野鼠齧其髮見之使人每自失誰能與結無言師

東湖

吾家蜀江上江水綠如藍爾來走塵土意思殊不堪

况當岐山下風物尤可慙有山秃如赭有水濁如泔
不謂郡城東數步見湖潭入門便清奧恍如夢西南
泉源從高來隨坡走涵涵東去觸重阜盡為湖所貪
但見蒼石竊開口吐清甘借汝腹中過胡為目眈眈
新荷弄晚涼輕棹極幽探飄颻忘遠近偃息遺佩簪
深有龜與魚淺有螺與蚌曝晴復戲雨戢戢多於蠶
浮沉無停餌倏忽遽滿籃絲緡雖強致瑣細安足戡
聞昔周道興翠鳳棲孤嵐飛鳴飲此水照影弄旄旄
此言飲也至今多梧桐合抱如彭聃綵羽無復見上有
鷗搏鵲嗟子生雖晚考古意所攸圖書已漫漶猶復

訪僑郟卷阿詩可繼此意久已舍扶風古三輔政事
豈汝諳聊為湖上飲一縱醉後談門前遠行客切切
無留驂問胡不回首無乃赴朝參予今正疎懶管長
幸見函不辭日遊再行恐歲滿三暮歸還倒載鍾鼓
已餽餽音

真興寺閣

山川與城郭漠漠同一形市人與鷗鵠浩浩同一聲
此閣幾何高何人之所營側身送落日引手攀飛星
當年王中令斫木南山頽寫真留閣下鐵面眼有稜
身強八九尺與閣兩崢嶸古人雖暴恣作事今世驚

登者尚呀喘作者何以勝曷不觀此閣其人勇且英

李氏園李氏正園也今為王氏所有

朝遊北城東回首見脩竹下有朱門家破墻圍古屋
舉鞭叩其戶幽響答空谷入門所見夥十步九移目
異花兼四方野鳥喧百族其西引溪水活活轉牆曲
東注入深林林深窓戶綠水光無竹淨時有獨立鷁
林中百尺松歲久蒼鱗變豈惟此地少意恐關中獨
小橋過南園夾道多喬木隱如城百雉挺若舟千斛
陰陰日光淡黯黯秋氣蓄盡東為方池野鴈雜家鷺
紅梨驚合抱映島孤雲馥春光水空漾雪陣風翻撲

其北臨長溪波聲卷平陸北山卧可見蒼翠間繞死
我時來周覽問此誰所築云昔李將軍負嶮乘哀射
抽錢筭間口但未權羨粥當時奪民田失業安敢哭
誰家美園圍籍沒不容贖此亭破千家鬱鬱城之麓
將軍竟何事蟣蝨生刀韜何嘗載美酒來此駐車轂
空使後世人間名頸猶縮浴猶呼皇后也蓋我今官
正閑屢至因休沐人生營居止竟為何人卜何當辦
一身永與清景逐

秦穆公墓

秦泉在城東墓在城中無百步乃知昔未有此城秦

人以泉識公墓昔公生不誅孟明豈有死之日而忍
用其良乃知三子徇公意亦如齊之二子從田橫立
人處一飯尚能殺其身今人不復見此等乃以所見
疑古人古人不可望今人益可傷

和子由聞子瞻將如終南太平宮谿堂讀

書 月卷三

役名則已勤徇身則已殫我誠愚且拙身名兩無謀
始者學書判近亦知問囚但知今當為敢問嚮所由
士方其未得唯以不得憂既得又憂失此心浩難收
譬如倦行客中路逢清流塵埃雖未脫暫憇得一漱

我欲走南澗春禽始嬰吻鞅掌久不決雨來已徂秋
橋山日月迫府縣煩差抽王事誰敢愬民勞吏宜羞
中間雁旱暵欲學喚雨鳩千夫挽一木十步八九休
渭水涸無泥菑堰旋挿脩對之食不飽餘事更違求
近日秋雨足公餘試新笏劬勞幸已過朽鈍不任鍤
秋風迫吹帽西阜可縱遊聊為一日樂慰此百日愁

將往終南和子由見寄

人生百年寄鬢鬚富貴何帝陵中草惟將翰墨留添
濡絕勝醉倒蛾眉扶我今嚴學如寒竿久不吹之澀
欲無歲云暮矣嗟幾餘欲往南溪侶禽魚秋風吹雨

涼生膚夜長耿耿添漏壺窮年弄筆衫袖烏古人有
之我願如終朝危坐學僧趺閉門不出閑履是下視
官爵如泥淤嗟我何為久踟躕歲月豈肯為汝居僕
夫起餐秣吾駒

七月二十四日以久不雨出禱磻溪是日
宿號縣二十五日晚自號縣渡渭宿於僧
舍曾閣閣故曾氏所建也夜久不寐見壁
有前縣令趙薦留名有懷其人

日卷十六

龕燈明滅欲三更敬枕無人夢自驚深谷留風終夜
響亂山銜月半床明故人漸遠無消息古寺空來看

姓名欲向磻谿問姜叟僕夫屢報斗杓傾

二十六日五更起行至磻溪未明

日卷一已下同

夜入磻溪如入峽照山炬火落驚猿山頭孤月耿猶
在石上寒波曉更宣至入舊隱白雲合神物已化遺
蹤蜿安得夢隨霹靂駕馬上傾倒天瓢翻

是日自磻溪將往陽平憇於麻田青峰寺
之下院翠麓亭

不到峯前寺空來渭上村此亭聊可喜修徑豈辭捫
谷映朱欄秀山含古木尊路窮驚石斷林缺見河奔
馬困斯青草僧留薦晚飧我來秋日午旱久石床温

安得雲如蓋。能令雨瀉盆。共看山下稻。涼葉晚翻翻。
二十七日自陽平至斜谷宿於南山中磻

龍寺

橫槎晚渡碧澗口。騎馬夜入南山谷。
瀧瀧嶺上疎星明。煜煜寺藏巖底千萬仞。
路轉山腰三百曲。風生飢虎肅空林。
月黑驚麕窟竹入。門突兀見深殿照佛青。
燐有殘燭。媿無酒食待遊人。旋斫杉松煮溪荻。
板閣獨眠驚旅枕。木魚曉動隨僧粥。起觀萬瓦鬱參差。
目亂千巖散紅綠。門前商賈負樹薪。山後咫尺連巴蜀。
何時歸耕江上田。一夜心逐南飛

鷓

是日至下馬磧憩於北山僧舍有閣曰懷賢南直斜谷西臨五丈原諸葛孔明所從出師也

南望斜谷口。三山如犬牙。西觀五丈原。鬱屈如長蛇。
有懷諸葛公。萬騎出漢巴。吏士竄如水。蕭蕭聞馬過。
公才與曹丕。豈止十倍加。顧瞻三輔間。勢若風捲沙。
一朝長星墜。竟使蜀婦髻。山僧豈知此。一室老煙霞。
往事逐雲散。故山依渭斜。客來空弔古。清淚落悲笳。

東坡集卷第一

東坡集卷一

十九

五

東坡集卷第二

詩八十二首

和子由記園中草木十一首

王集卷十

煌煌帝王都赫赫走群彥嗟汝獨何為閉門觀物變
微物豈足觀汝獨觀不勸牽牛與葵藿採摘入詩卷
吾聞東山傳置酒攜嫵婉富貴未能忘聲色聊自遣
汝今又不然時節看瓜蔓懷寶自足珍藝蘭那計晚
吾歸於汝處慎勿嗟歲晚

荒園無數畝草木動成林春陽一已敷妍醜各自矜
蒲萄雖滿架困倒不能任可憐病石榴花如破紅襟

東坡集卷二

蔡花雖繁繁帶淺不勝簪叢羨晚可喜輕紅隨秋
物生感時節此理等廢興飄零未自由盛亦非汝能
種栢待其成栢成人亦老不如種叢萑春種秋可倒
陰陽不擇物美惡隨意造栢生何苦艱似亦費天巧
天工巧有幾肯盡為汝耗君看藜與藿生意常草草
萱草雖微花孤秀能自拔亭亭亂葉中一一芳心插
牽牛獨何畏詰曲自牙蘂走尋荆與榛如有宿昔約
南齋讀書處亂翠曉如潑偏工貯秋雨歲歲壞籬落
蘆筍初似竹稍開葉如蒲方春節抱甲漸老根生鬚
不愛當夏綠愛此及秋枯黃葉倒風雨白花搖江湖

江湖不可到移植苦勤劬安得雙野鴨飛來成畫圖
行樂惜芳晨秋風常苦早誰知念離別喜見秋瓜老
秋瓜感霜霰莖葉頹已槁宦遊歸無時身若馬鬣卓
悲鳴念千里耿耿志空抱多憂竟何為使汝玄髮縞
官舍有叢竹結根問囚廳下為人所徑土密不容釘
懸懃戒吏卒挿棘護中庭遶砌忽墳裂走鞭瘦鈴泮
我常攜枕簟來此蔭寒青日暮不能去卧聽窓風冷
芎藭生蜀道白芷來江南漂流到關輔猶不失芳甘
濯濯翠莖滿惛惛清露溼及其未花實可以資筐籃
秋節忽已老苦寒非所堪斲根取其實對此微物慙

自我來關輔南山得再遊山中亦何有草木媚深幽
 葛蒲人不識生此亂石溝山高霜雪苦苗葉不得抽
 下有千歲根感縮如蟠虬長為鬼神守德薄安敢偷
 我歸自南山山翠猶在目心隨白雲去夢繞山之麓
 汝從何方來突齒繁如玉探懷出新詩秀語奪山綠
 覺來已茫昧但記說秋菊有如採樵子入洞聽琴筑
 歸來寫遺聲猶勝人間曲八月十二日夜宿府學方
 和此詩夢與弟遊南山出
詩數十篇夢中甚愛之及覺
 雅記一句云蟋蟀悲秋菊
 野菊生秋澗芳心空自知無人驚歲晚唯有暗蛩悲
 花開澗水上花落澗水湄菊葉蛩亦蟄與汝歲相期

楚客方多感秋風詠江蘼落英不滿掬何以慰朝飢

周公廟廟在岐山西北七八里廟後百許

步有泉依山湧冽異常國史以謂潤德泉

世亂則竭者也 曰卷八

吾今那復夢周公尚喜秋來過故宮翠鳳舊依山碑
 兀清泉長與世窮通至今遊客傷離黍故國諸生詠
 雨濛牛酒不來烏鳥散白楊無數暮蹄風

南溪之南竹林中新構一茆堂予以其所
 處最為深邃故名之避世堂 曰卷三

猶恨溪堂淺更穿脩竹林高人不畏虎避世已無心

隱几頽如病忘言兀似瘠茆茨追上古冠蓋謝當今
曉夢緩呼覺秋懷鳥伴吟暫來聊解帶屢去欲攜衾
湖上行人絕塔前暮雪深應逢綠毛叟扣戶夜抽簪
自清平鎮遊樓觀五郡大秦延生仙遊往
反四日得十一詩寄舍弟子由同作同卷五

樓觀

鳥噪後呼晝閉門寂寥誰識古皇尊青牛久已辭
軛白鶴時來訪子孫山近朔風吹積雪天寒落日淡
孤村道人應怪遊人衆汲盡塔前井水渾

五郡

古觀正依林麓斷居民來就水泉甘亂谿赴渭爭趨
北飛鳥迎山不復南羽客衣冠朝上象野人香火祝
春蠶汝師豈解言符命山鬼何知託老聃觀有明皇
子告以享國
長又之意

授經臺

乃南山一峯耳
非復有築處

劍舞有神通草聖海山無事化琴工此臺一覽秦川
小不待傳經意已空

大秦寺

同上

晃蕩平川盡坡陀翠麓橫忽逢孤塔迥獨向亂山明
信足幽尋遠臨風却立驚原田浩如海衮衮盡東傾

仙遊潭

五首潭上有寺三二在潭北借黑

里餘從馬而北上為西路至北寺東路紫不可關馬而北上為西路至北寺東路紫不可

翠壁下無路何年雷雨穿光搖巖上寺深到影中天

我欲然犀看龍應抱寶眠誰能孤石上危坐試僧禪

潭

東去愁攀石西來怯渡橋碧潭如見試白塔苦相招

野魄慙微薄村沽慰寂寥路窮斤斧絕松桂得干霄

寺南

唐初傳有此亂後不留碑畏虎關門早無村得米遲

山泉自入甕野桂不勝炊信美那能久應先學忍飢

寺北

未應將軍聘初從季直遊絳紗生不識蒼石尚能留

豈嘗依梁冀何須困李侯吾詩慎勿刻猿鶴為君羞

馬駒石室

洞裏吹簫子終年守獨幽石泉為曉鏡山月當簾鉤

歲晚杉楓盡人歸霧雨愁送迎應鄙陋誰繼楚臣謳

玉女洞

愛玉女洞中水既致兩斲恐後復取而為

使者見給因破竹為契使寺僧藏其一以

為往來之信戲謂之調水符

日上

欺謾久成俗關市有契繻誰知南山下取水亦置符
古人辨淄澠較若鶴與鳧吾今既謝此但視符有無
常恐汲水人智出符之餘多防竟無及弃置為長牙
自仙遊回至黑水見居民姚氏山亭高絕

可愛復想其上

同卷九

山鷓曉辭谷似報遊人起出門猶屢顧慘若去吾里
道途險且迂繼此復能幾溪邊有危構歸駕聊復枕
愛此山中人縹渺如仙子平生慕獨往官廚同一甌
胡為此谿邊眷眷若有缺國忌久未報念此慙且此

臨風浩悲此萬世同一軌何年謝簪紱丹砂留迅晷

南谿有會景亭處衆亭之間無所見甚不
稱其名余欲遷之少西臨斷岸西嚮可以
遠望而力未暇特為製名曰招隱仍為詩
以告來者庶幾遷之

飛簷臨古道高榜勸遊人未即令公隱聊須濯路塵
茆茨分聚落煙火傍城闌林缺湖光漏凶明野意新
居民誰白帽過客謾朱輪山好留歸屐風迴落醉巾
他年誰改築舊製不須因再到吾谿老猶堪作坐賓

凌虛臺

同上

才高多感激道直無往還
不如此臺上舉酒邀青山
青山雖云遠似亦識公顏
崩騰赴幽賞披豁露天慳
落日銜翠壁暮雲點煙瑤
浩歌清興發故意未禮刪
是時歲云暮微雪灑袍班
吏退迹如掃賓來勇躡攀
臺前飛鴈過臺上彫弓彎
聯翩向空墜一矢驚塵闌

竹颺

野人獻竹颺腰腹大如盎
自言道旁得採不費置罔
鷓夷讓圓滑混沌慙瘦爽
兩牙雖有餘四足僅能髣
逢人自驚蹶悶若兒脫襦
念茲微陋質刀几安足枉
就禽太倉卒羞愧不能饗
南山有孤熊擇獸行絃掌

漢陂魚陂在鄂縣

霜筠細破為雙掩中有長魚如卧劍
紫荇穿顛氣慘悽紅鱗照坐光磨閃
攜來雖遠鬣尚動烹不待熟指
先添坐客相看為解顏香粳飽送如填塹
早歲嘗為荆渚客黃魚屢食沙頭店
濱江易採不復珍盈尺輒弃無乃僭
自從西征復何有欲致南京嗟久欠
游鱸瑣細空自腥亂骨縱橫動遭砧
故人遠餽何以報客俎久空蘄
忽贍東道無辭信使頻西隣幸有庖
壘醞

讀道藏

嗟予亦何幸偶此琳宮居
宮中復何有戢戢千函書

盛以丹錦囊冒以青霞裾王喬掌關籥蚩尤守其廬
 乘閑竊掀攪涉獵豈暇徐至人悟一言道集由中虛
 心閑反自照皎皎如芙蕖千載馱世去此言乃蓬蔭
 人皆忽其身治之用土直何暇及天下幽憂吾未除
 十二月十四日夜微雪明日早往南谿小
 酌至晚
 南谿得雪真無價走馬來看及未消獨自披榛尋履
 迹最先犯曉過朱橋誰憐破屋眠無處坐覺村飢語
 不囂惟有暮鷓知客意鷓飛千片落寒條
 九月中曾題二小詩於南溪竹上既而忘

之昨日再遊見而錄之

湖上蕭蕭疎雨過山頭靄靄暮雲橫陂塘水落荷將
 盡城市人歸虎欲行

誰謂江湖居而為虎豹宅焚山豈不能愛此千竿碧

司竹監燒葦園因召都巡檢柴貽勗左藏
 以其徒會獵園下

官園刈葦歲留槎深冬放火如紅霞枯槎燒盡有根
 在春雨一洗皆萌芽黃狐老兔最狡捷賣侮百獸常
 矜誇年年此厄竟不悟但愛蒙密爭來家風迴炤卷
 毛尾熱欲出已被蒼鷹遮野人來言此最樂徒手時

出歸滿車巡邊將軍在近邑呼來颯颯從矛又戍兵
久閑可小試戰鼓雖凍猶堪搥雄心欲搏南澗虎陣
勢頗學常山蛇霜乾火烈聲爆野飛走無路蹄且呀
迎人截來春逢箭避火逸去窮投置擊鮮走馬殊未
厭但恐落日催棲鷓弊棋什鼓坐數獲鞍挂雉免肩
分廢主人置酒聚狂客紛紛醉語晚更譁燎毛燔肉
不暇割飲啗直欲追羲媧青丘雲夢古所吒與此何
啻百倍加苦遭諫疏說夷羿又被賦客朝淫奢豈如
閑官走山邑放曠不與趨朝衙農工已畢歲云暮車
騎雖少賓殊佳酒酣上馬去不告獵獵霜風吹帽斜

和子由木山引水二首

蜀江久不見滄浪江上枯槎遠可將去國尚能三擯
載汲泉何愛一夫忙崎嶇好事人應笑冷淡為歡意
自長遙想納涼清夜永窓前微月照汪汪
千年古木卧無梢浪卷沙翻去似瓢幾度過秋生蘚
暈至今流潤應江潮法然疑有蛟龍吐斷處人言霹
靂焦材大古來無適用不須鬱鬱慕山苗

寄題興州晁太守新開古東池

百畝新池傍郭斜居人行樂路人誇自言官長如靈
運能使江山似永嘉縱飲坐中遺白恰幽尋盡處見

桃花不堪山鳥啼歸去長道王孫苦憶家

華陰寄子由

三年無日不思歸夢裏還家拖覺非臘酒送寒催去
國東風吹雪滿征衣三峯已過天浮翠四扇行看日
照靡里堠消磨不禁盡速攜家餉勞驂駢

和董傳留別

麤繒大布裹生涯腹有詩書氣自華猷伴老儒烹瓠
葉強隨舉子踏槐花囊空不辦尋春馬眼亂行看擇
壻車得意猶堪誇世俗詔黃新濕字如鴉

次韻柳子玉見寄

薄雷輕雨曉晴初陌上春泥未濺裾行樂及時雖有
酒出門無侶漫看書遙知寒食催歸騎定把鷓夷載
後車他日見邀須強起不應辭病似相如

送曾子固倅越得燕字

醉翁門下士雜選難為賢曾子獨超軼孤芳陋群妍
昔從南方來與翁兩聯翩翁今自憔悴子去亦宜然
賈誼窮遠楚樂生老思燕那因江鱸美遠厭天庖羶
但苦世論隘聒耳如蜩蟬安得萬頃池養此橫海鱣
王頤赴建州錢監求詩及草書

我昔識子自武功寒廳夜語樽酒同酒闌燭盡語不

盡倦僕立寐僵屏風丁寧勸學不死訣自言親受方
瞳翁嗟余聞道不早悟醉夢顛倒隨盲聾爾來憂患
苦摧剥意思蕭索如霜蓬羨君顏色愈少壯外慕漸
少由中充河車挽水灌腦黑丹砂伏火入頰紅大梁
相逢又東去但道何日辭樊籠未能便乞峒嶺今官
曹似是錫與銅留詩河上慰離別草書未暇緣忽忽

秀州僧本瑩靜照堂

鳥囚不忘飛馬繫常念馳靜中不自勝不若聽所之
君看厭事人無事乃更悲貧賤苦形勞富貴嗟神疲
作堂名靜照此語子謂誰江湖隱淪士豈無適時資

老死不自惜烏舟自娛嬉從之恐莫見況肯從我為

石蒼舒醉墨堂

人生識字憂患始姓名粗記可以休何用草書誇神

石蒼舒

懽恍令人愁我嗜好之每自笑君有此病何

年瘳自言其中有至樂適意無異道遙遊近者作堂
名醉墨如飲美酒銷百憂乃知柳子語不妄病嗜土
炭如珍羞君於此藝亦云至堆墻敗筆如山丘興來
一揮百紙盡駁馬倏忽踏九州我書意造本無法點
畫信手煩推求胡為議論獨見假隻字片紙皆蔽收
不減鍾張君自足下方羅趙我亦優不須臨池更苦

學完取絹素充家祠

送安博秀才失解西歸

舊書不厭百迴讀熟讀深思子自知他年名宦恐不免今日栖遲那可追我昔家居斷還往著書不復窺園葵謁來東遊慕人爵弃去舊學後兒嬉狂謀謬筭百不遂惟有霜鬢來如期故山松柏皆手種行且拱矣歸何時萬事早知皆有命十年浪走寧非癡與君未可較得失臨別惟有長嗟咨

送任伋通判黃州兼寄其兄孜

吾州之豪任公子少年盛壯日千里無媒自進誰識

之有材不用今老矣別來十年學不厭讀破萬卷詩愈美黃州小郡隔谿谷茆屋數家依竹葦知命無憂子何病見賢不薦誰當恥平泉老令更何悲六十青衫貧欲死桐鄉遺老至今泣潁川大姓誰能箠因君寄聲問消息莫對黃鷄矜爪嘴

和子由初到陳州見寄二首 次韻

道喪雖云久吾猶及老成如今各衰晚那更治刑名懶惰便樗散踈狂託聖明阿奴須碌碌門戶要全生舊隱三年別杉松好在不吾今尚眷眷此意恐悠悠閉戶時尋夢無人可說愁遠來送別處雙淚寄南州

次韻子由綠筠堂

愛竹能延客求詩剽挂墻風梢千燾亂月影萬夫長
谷鳥驚基響山蜂識酒香只應陶靜節會聽此幽涼

送劉放倅海陵

君不見阮嗣宗臧否不挂口莫誇舌在牙齒牢是中
惟可飲醇酒讀書不用多作詩不須工海邊無事日
日醉夢魂不到蓬萊宮秋風昨夜入庭樹尊然未老
君先去君先去幾時迴劉郎應白髮桃花開不開

送錢藻出守婺州得英字

老手便劇郡高懷厭承明聊紆東陽綬一濯滄浪纓

東陽佳山水未到意已清過家父老喜出郭壺漿迎
子行得所願愴恨居者情吾君方急賢日旰坐邇英
黃金招樂毅白璧賜虞卿子不少自貶陳義空崢嶸
古稱為郡樂漸恐煩敲榜臨分敢不盡醉語醒還驚

送呂希道知和州

去年送君守解梁今年送君守歷陽年年送人作太
守坐受塵土堆胸腸君家聯翩三將相富貴未已今
方將鳳雛驥子生有種毛骨往往傳諸郎觀君嶮巖
負竒表便合劍佩趨明光胡為小郡屢奔走征馬未
解風帆張我生本自便江海忍恥未去猶徬徨無言

贈君有長歎美哉河水空洋洋

次韻王誨夜坐

愛君東閣能延客顧我閑官不計負榮杖頻過如未
厭卜居相近豈辭遷莫將詩句驚搖落漸喜罇罍省
撲緣待約月明池上宿夜深同看水中天

送文與可出守陵州

壁上墨君不解語見之尚可消百憂而況我友似君
者素節凜凜欺霜秋清詩健筆何足效逍遙齊物追
莊周奪官遣去不自覺曉梳脫髮誰能收江邊亂山
赤如赭陵陽正在千山頭君知遠別懷抱惡時遣墨

君解我愁

送劉道原歸觀南康

晏嬰不滿六尺長高節萬仞陵首陽青衫白髮不自
歎富貴在天那得忙十年閉戶樂幽獨百金購書收
散亡竭來東觀弄丹墨聊借舊史誅姦強孔融不肯
下曹操汲黯本自輕張湯雖無尺箠與寸刃口吻排
擊含風霜自言靜中閱世俗有似不飲觀酒狂衣巾
狼籍又屢舞旁人大笑供千場交用翩翩去略盡惟
我與子猶徬徨世人共弃君獨厚豈敢自愛恐子傷
朝來告別驚何速歸意已逐征鴻翔匡廬先生古君

子挂冠兩紀鬢未蒼定將文度置膝上喜動隣里烹
猪羊君歸為我道姓名幅巾他日容登堂

出都來陳所乘船上有題小詩八首不知
何人有感於余心者聊為和之

蛙鳴青草泊蟬噪垂楊浦吾行亦偶然及此新過雨
鳥樂忘且羣魚樂忘鈎餌何必擇所安滔滔天下是
煙火動村落晨光尚熹微田園處處好淵明胡不歸
我行無疾徐輕楫信溶漾船留村市鬧聞裝寒波漲
舟人苦炎熱宿此喬木灣清月未及上黑雲如顏山
萬竅號地籟衝風散天池喧唳瞬息間還挂斗與箕

顏水非漢水亦作蒲萄綠恨無襄陽兒今唱銅鞮曲
我詩雖云拙心平聲韻和年來煩惱盡古井無由波

次韻張安道讀杜詩

大雅初微缺流風因暴豪張為詞客賦變作楚臣騷
展轉更崩壞紛綸閱俊髦地偏蕃怪產源失亂狂濤
粉黛迷真色魚鮪易豢牢誰知杜陵傑名與謫仙高
掃地收千軌爭標看兩艘詩人例窮苦天意遣奔逃
塵閣人亡鹿溟翻帝斬鰲艱危思李牧述作謝王褒
失意各千里哀鳴聞九皋騎鯨遁滄海持帚得縹袍
臣筆屠龍手微官似馬曹迂踈無事業醉飽死遊遨

商賸儀刑在兒童篆刻勞今誰主文字公合把旌旄
開卷遙相憶知音兩不遭般斤思郢質鯁化陋鱗濠
恨我無佳句時蒙致白醪慙懃理黃菊未遣沒蓬蒿

送張安道赴南都留臺

我公古仙伯超然羨門姿偶懷濟物志遂為世所縻
黃龍遊帝郊簫韶鳳來儀終然反溟極豈復安籠池
出入四十年憂患未嘗辭一言有歸意闔府諫莫移
吾君信英睿搜士及茹茨無人長者側何以安子思
歸來掃一室虛白以自怡遊於物之初世俗安得知
我亦世味薄因循鬢生絲出處良細事從公當有時

傳堯俞濟源草堂

微官共有田園興老罷方尋隱退廬栽種成陰十年
事倉皇求買萬金無先生卜築臨清濟喬木如今似
畫圖鄰里亦知偏愛竹春來相與護龍雛

陸龍圖詵挽詞

挺然直節庇我岷謀道從來不計身屬續家無十金
產過車巷哭六州民塵埃輦寺三年別樽俎岐陽一
夢新他日思賢見遺像不論宿草更沾巾

成都府有思賢閣蓋諸

像

胡完夫母周夫人挽詞

柏舟高節冠鄉隣絳帳清風聳楮紳豈似凡人但慈
母能令孝子作忠臣當年織屨隨方進晚節稱觴見
伯仁回首悲涼便陳迹凱風吹盡棘成新

和柳子玉過陳絕糧

次韻二首

風雨蕭蕭夜晦迷不須鳴叫強知時多才久被天公
怪闕食惟應爨婦知杜叟挽衣那及脛顏翁食粥敢
言炊詩人情味真嘗遍試問於君底事虧
如我自觀猶可厭非君誰復肯相尋圖書跌宕悲年
老燈火青熒語夜深早歲便懷齊物意微官敢有濟
時心南行十里成何事一聽秋濤萬鼓音

潁州初別子由二首

征帆挂西風別淚滴清潁留連知無益惜此須臾景
我生三度別此別尤酸冷念子似元君木訥剛且靜
寡詞真吉人介石乃機警至今天下士去莫如子猛
嗟我久病狂意行無坎并有如醉且墜幸未傷輒醒
後今得閑暇默坐消日永作詩解子憂持用日三省
近別不改容遠別涕沾胸咫尺不相見實與千里同
人生無離別誰知恩愛重始我來宛丘牽衣舞兒童
便知有此恨留我過秋風秋風亦已過別恨終無窮
問我何年歸我言歲在東離合既循環憂喜迭相攻

悟此長太息我生如飛蓬多憂髮早白不見六一翁

歐陽少師令賦所蓄石屏

何人遺公石屏風上有水墨希微蹤不畫長林與巨
植獨畫我眉山西雪嶺上萬歲不長之孤松崖崩澗
絕可望不可到孤煙落日相溟濛含風偃塞得真態
刺畫始信天有工我恐畢宏韋偃死葬號山下骨可
朽爛心難窮神機巧思無所教化為煙霏淪石中古
來畫師非俗士摹寫物象略與詩人同顧公作詩慰
不遇無使二子含憤泣幽宮

陪歐陽公燕西湖

謂公方壯鬚似雪謂公已老光浮頰竭來湖上飲美
酒醉後劇談猶激烈湖邊草木新著霜芙蓉晚菊爭
煌煌插花起舞為公壽公言百歲如風狂赤松共遊
也不惡誰能忍饑啖仙藥已將天壽付天公彼徒辛
苦吾差樂城上烏棲暮靄生銀缸畫燭照湖明不辭
歌詩勸公飲坐無相伊能撫箏

十月二日將至渦口五里所遇風留宿

長淮久無風故意弄清快今朝雪浪滿始覺平野隘
兩山控吾前吞吐久不暈孤舟繫桑本終夜舞澎湃
舟人更傳呼弱纜特管蒯平生傲憂患久已恬百怪

鬼神欺吾窮戲我聊一噫餅中尚有酒信命誰能戒
出潁口初見淮山是日至壽州

我行日夜向江海楓葉蘆花秋興長平淮忽迷天遠
近青山久與船低昂壽州已見白石塔短棹未轉黃
茅岡波平風軟望不到故人久立煙蒼茫

壽州李定少卿出餞城東龍潭上

山鷓噪處古靈湫亂沫浮涎遶客舟未暇然犀照奇
鬼欲將燒燕出潛蚪使君惜別催歌管村巷藹呼聚
獲猴此地他年頌遺愛觀魚并記老莊周

濠州七絕

塗山下有餘廟村

用鎖支祁水尚渾地理汪罔骨應存樵蘇已入黃能
廟烏鵲猶朝禹會村

彭祖廟有雲母山云彭祖所採服也

跨歷商周看盛衰欲將齒髮鬪虵龜空餐雲母連山
盡不見蟠桃著子時

逍遙臺莊子祠堂在開元侍郎墓為堂

常怪劉伶死更埋豈伊忘死未忘骸烏為奪得與螻
蟻誰信先生無此懷

觀魚臺

欲將同異較錙銖肝膽猶能楚越如若信萬殊歸一
理子今知我我知魚

虞姬墓

帳下佳人拭淚痕門前壯士氣如雲蒼皇不負君王
意只有虞姬與鄭君

四望亭

大和中刺史劉嗣之立亭神以本
子賓客分司東都過濠為作記今
存而亭廢
者數年矣

頽垣破礎沒柴荆故老猶言短亭亭敢請使君重起
廢落震孤鶩換新銘

浮山洞

洞在淮中夏潦不能及而
冬不加高故人疑其浮也

人言洞府是鼇宮升降隨波與海通共坐船中那得
見乾坤浮水水浮空

東坡集卷第二

東坡集卷第三

詩七十六首

泗州僧伽塔

我昔南行舟繫汴，遂風三日沙吹面。舟人共勸禱靈塔，香火未收棋脚轉。回頭頃刻失長橋，却到龜山未朝飯。至人無心何厚薄，我自懷私欣所便。耕田欲雨刈欲晴，去得順風來者怨。若使人人禱報遂，造物應須日千變。我今身世兩悠悠，去無所逐來無戀。得行固願留不惡，每到有求神亦倦。退之舊云三百尺，澄觀所營今已換。不嫌俗士汗丹梯，一看雲山遠淮甸。

龜山

我生飄蕩去何求再過龜山歲五周身行萬里半天
下僧卧一庵初白頭地隔中原勞北望潮連滄海欲
東遊元嘉舊事無人記故壘摧頽今在不宋文帝遣
將非魏太

武築城
此山

發洪澤中塗遇大風復還

風浪忽如此吾行欲安歸掛帆却西邁此計未為非
洪澤三十里安流去如飛居民見我還勞問之依依
攜酒就船賣此意厚莫違醒來夜已半岸木聲向微
明日淮陰市白魚能許肥我行無南北遠意乃所祈

何勞弄潑湃終夜搖囚扉妻孥莫憂色更典篋中衣

十月十六日記所見

風高月暗雲水黃淮陰夜發朝山陽山陽曉霧如細
雨炯炯初日寒無光雲收霧卷已亭午有風北來寒
欲僵忽驚飛電穿戶牖迅駛不復容遮防市人顛沛
百賈亂疾雷一聲如頽墻使君來呼晚置酒坐定已
復日照廊恍疑所見皆夢寐百種變怪旋消亡共言
蛟龍厭舊穴魚鼈隨徙空陂塘愚儒無知守章句論
說黑白推何祥惟有主人言可用天寒欲雪飲此觴

廣陵會三同舍各以其字為韻仍邀同賦

劉貢父

去年送劉郎醉語已驚衆如今各漂泊筆硯誰能弄
我命不在天弄殺未必中作詩聊遣意老大慵譏諷
夫子少年時雄辯輕子貢爾來再傷弓戢翼念前痛
廣陵三日飲相對恍如夢况逢賢主人白酒撥春甕
竹西已揮手灣口猶屢送羨子去安閑吾邦正喧閤

孫巨源

三年客京輦憔悴難具論揮汗紅塵中但隨馬蹄翻
人情責往返不報生既根坐令平生友終歲不及門
南來實清曠但恨無與言不謂廣陵城得逢劉與孫

異趣一雨之譬如王孫猿吾儕久相聚恐見疑排根
我編類中散子通真巨源絕交固未敢且復東南奔

劉莘老

江陵昔相遇幕府稱上賓再見明光宮我冠挹搢紳
如今三見子坎坷為逐臣朝遊雲霄間欲分丞相茵
暮浴江湖上遂與屈子隣了不見喜愠子豈真可人
邂逅成一歡醉語出天真士方在田里自比渭與莘
出試乃大謬芻狗難重陳歲晚多霜露歸耕當及辰

遊金山寺

我家江水初發源宦遊直送江入海聞道潮頭一丈

高天寒尚有沙痕在中冷南畔石盤陀古來出沒隨
 濤波試登絕頂望鄉國江南江北青山多羈愁畏晚
 尋歸揖山僧苦留看落日微風萬頃靴文細斷霞半
 空魚尾赤是時江月初生魄二更月落天深黑江心
 似有炬火明飛焰照山棲鳥驚悵然歸卧心莫識非
 鬼非人竟何物江山如此不歸山江神見怪驚我頑
 我謝江神豈得已有田不歸如江水是夜所見如此

自金山放船至焦山

金山樓觀何耽耽撞鐘擊鼓聞淮南焦山何有有備
 竹採薪汲水僧兩三雲霧浪打人迹絕時有沙天祈

春蚕我來金山更留宿而此不到心懷慙同遊盡返
 决獨往賦命窮薄鞋江潭清晨無風浪自湧中流歌
 嘯倚半酣老僧下山攜客至迎笑喜作巴人談自言
 久客忘鄉井只有彌勒為同龕困眠得就紙帳暖飽
 食未厭山蔬甘山林飢卧古亦有無田不退寧非貪
 展禽雖未三見黜对夜自知七不堪行當接効謝簪
 組為我佳處留茆庵吳人澤水中心可曰若為沙焦山長老中江人也

甘露寺

江山豈不好獨遊情易闌但有相攜人何必素所歡
 我欲訪甘露當途無閑官二子舊不識欣然肯聯鞍

古郡山為城層梯轉朱欄樓臺巖崖上地窄天水寬
一覽吞數州山長江漫漫却望大明寺惟見烟中竿
依石卧庭下穹隆如伏獠緬懷卧龍公挾策事瑯嶞
一談收綈子再說走老瞞名高有餘想事往無留觀
蕭翁古鐵鑊相對空團團坡陀受百斛積雨生微瀾
泗水逸周鼎渭城辭漢盤山川失故態怪此能獨完
僧繇六化人霓衣挂冰紈隱見十二疊觀者疑夸謾
破板陸生畫青猊戲盤珊上有二天人揮手如翔鸞
筆墨雖欲盡典刑垂不刊共共贊皇公英姿凜以寒
古柏親手種挺然誰敢干技撐雲峯裂根入石窟蟠

雜草得斷碑斬崖出金棺瘞藏豈不宰見伏理可驚
四維皆龍虎遺迹儼未刊方其盛壯時爭奪肯少安
廢興屬造物遷逝誰控搏况彼妄庸子而欲事所難
古今共一軌後世徒辛酸聊興廣武歎不待雜門彈

次韻子由柳湖感物

憶昔子美在東屯數間茆屋蒼山根朝吟草木調蠻
獠欲與猿鳥爭秋喧子今憔悴衆所弃驅馬獨出無
往還惟有柳湖萬株柳清陰與子供朝昏胡為譏評
去不少借生意凌控難為繫柳雖無言不解愠世俗
乍見應憮然嬌姿共愛春濯濯豈問空腹脩地蟠朝

看濃翠傲炎赫夜愛踈影搖清圓風翻雪陣春絮亂
蠹響啄木秋聲堅四時盛衰各有態搖落淒愴猶寒
溫南山孤松積雪底抱凍不死誰復賢

送蔡冠卿知饒州

吾觀蔡子與人遊掀脰笑語無不可平時儻蕩不羈
俗臨事迂闊乃過我橫前坑窅衆所畏布路金珠誰
不裹尔來變化驚何速昔踈剛強今亦頗憐君獨守
廷尉法晚歲却理鄱陽柁莫嗟天驥逐羸牛欲試良
玉須猛火世事徐觀真夢寐人生不信長轆軻知君
決獄有陰功他日老人馴魏顆

次韻楊褒早春

窮巷淒涼苦未和君家庭院得春多不辭瘦馬騎衝
雪來聽佳人唱踏莎破恨往須煩麴蘖增年誰復怨
羲娥良辰樂事古難並白髮青衫我亦歌細雨郊園
聊種菜冷官門戶可張羅放朝三日君恩重睡美
不知身在何

初到杭州寄子由二絕

眼看時事力難任貪戀君恩退未能遲鈍終須接
劾去使君何日換蘇丞
聖明寬大許全身衰病摧頽自畏人莫上岡頭苦相

望吾方祭竈請比隣

次韻柳子玉二首

地爐

細聲蛭蚓發銀餅擁褐橫眠天未明
衰髮鑷殘歌雪領壯心降盡倒風柱
自稱丹竈錙銖火倦聽山城長短更
聞道床頭惟竹几夫人應不解卿卿

俗謂竹几為竹夫人

紙帳

亂文龜殼細相連慣卧青綾恐未便
絜似僧巾白疊布暖於蠻帳紫茸氈
錦衾速卷持還客破屋那愁仰見天
但恐嬌兒還惡睡夜深踏裂不成眠

臘日遊孤山訪惠勤惠思二僧

天欲雪雲滿湖樓臺明滅山有魚水清
出石魚可數林深無人鳥相呼臘日不歸
對妻孥名尋道人實自娛道人之居在何
許寶雲山前路盤紆孤山絕誰肯廬道人
有道山不孤紙窓竹屋深自暖攤褐坐睡
依圓蒲天寒路遠愁僕夫整駕催歸及未
曉出山迴望雲木合但見野鷗盤浮圖茲
遊淡泊歡有餘到家恍如夢蘧蘧作詩火
急追亡逋清景一失後難摹

李杞寺丞見和前篇漫用元韻答之

獸在藪魚在湖一入池檻歸期無誤隨
弓挂落塵土

坐使鞭箠環呻呼追胥連保罪及孥
近辱後益賦皆坐同保姓其家
百日愁歎一日娛白雲舊有終老約朱綬豈合山人
紆人生何者非遠廬故山鶴怨秋猿孤何時自駕鹿
車去掃除白髮煩苜蒲麻鞋短後隨獵夫射弋狐兔
供朝脯陶潛自作五柳傳潘閣畫入三峰圖吾年凜
凜今幾餘知非不去慙衛遠歲荒無術歸亡適鵠則
易畫虎難摹

并和

東望海西望湖山平水遠細欲無野之疎狂逐漁釣
刺史寬大容歌呼君恩飽煖及爾才者不問拙

考媿穿巖度嶺脚刀健未厭山水相縈紆三百六十
古精廬出遊無伴籃輿孤作詩雖未造落闕破悶豈
不賢撈蒲君才敏贍兼百夫朝作千篇日未晡竭來
湖上得佳句從此不看營丘圖知君篋櫃富有餘莫
惜錦繡償營遠窮多鬪嶮誰先逋賭取名畫不用摹
遊靈隱寺得來詩復用前韻

君不見錢塘湖錢王壯觀今已無屋堆黃金斗量珠
運盡不勞折簡呼四方官遊散其孥宮闕留與閑人
娛盛衰哀樂兩須臾何用多憂心鬱紆溪山處處皆
可廬最愛靈隱飛來孤喬松百丈蒼髯鬚擾擾下笑

柳與蒲高堂會食羅千夫撞鐘擊鼓宣朝晡
文眠甃能絕勝絮被縫海圖清風時來驚睡餘
遂起羲皇傲几遽歸時棲鴉正畢浦孤煙落日不可摹

戲子由

宛丘先生長如丘宛丘學舍小如舟常時低頭誦經
史忽然欠伸屋打頭斜風吹帷雨注面先生不愧傍
人羞任從飽死笑方朔肯為兩立求秦優眼前勃磈
何足道處置六鑿須天遊讀書萬卷不讀律致君堯
舜知無術勸農冠蓋開如雲逸老盟壘甘似蜜門前
萬事不掛眼頭雖長低氣不屈餘杭別駕無功夢盡

堂五文容拚梳重樓踏空雨聲遠屋多人少風騷騷
平生所慙今不恥坐對瘦紙更鞭笞道逢陽虎呼與
言心知其非口諾唯居高志下真何益氣節消縮今
無幾文章小技安足程先注別駕舊稱名如今衰老
俱無用付與時人分重輕

越州張中舍壽樂堂

青山偃蹇如高人常時不肯入官府高人自與山有
素不待招邀滿庭戶卧龍蟠屈半東州萬室鱗鱗枕
其股背之不見與無同狐裘反衣無乃魯張君恨力
覲天與能遣荆棘化堂宇持願宴坐不出門收攬奇

秀得十五才多事少厭雨對卧看雲煙變風雨笋如
玉筋樵如簪強飲且為山作主不憂兒輩知此樂但
恐造物怪多取春濃睡足午昏明想見新茶如潑乳

姚屯田挽詞

京口年來耆舊衰高人淪喪路人悲空聞韋叟一經
在不見恬侯萬石時貧病只知為善樂逍遙却恨弃
宮遲七年一別真如夢猶記蕭然瘦鶴姿

送岑著作

懶者常似靜靜豈懶者徒拙則近於直而直豈拙歟
夫子靜且直雍容時卷舒嗟我復何為相得歡有餘

我本不遠世而世與我殊拙於林間鳩懶於水底魚
人皆笑其狂子獨憐其愚直者有時信乎靜者不終
居而我懶拙病不受侵藥除臨行怪酒薄已與別淚
俱後會豈無時遂恐出處踈惟應故山夢隨子到吾
廬

吉祥寺賞牡丹

人老簪花不自羞花應羞上老人頭醉歸扶路人應
笑十里珠簾半上鉤

吉祥寺僧求闍名

過眼榮枯電與風久長那得似花紅上人宴坐觀空

閣觀色觀空色即空

和劉道原見寄

敢向清時怨不容直嗟吾道與君東坐談足使淮南
懼歸去方知莫此空獨聽不須驚夜旦群鳥未可辨
雌雄廬山自古不到處得與幽人子細窮

和劉道原詠史

仲丘憂世接與狂戒嚴雖殊竟兩亡吳客漫陳豪士
賦相俟初笑越人方名高不朽終安用日飲無何計
亦良獨掩陳編弔興廢凶前山雨夜浪浪

和劉道原寄張師民

一義大捷徑詩書一旅亭相夸綬若若猶誦麥青

腐鼠何勞赫高鴻本自冥顛狂不用喚酒盡漸須醒

送張職方吉甫赴閩漕六和寺中作

羨君超然鸞鶴安江湖欲下還飛去空使吳兒怨不

留青山漫漫七閩路門前江水去掀天寺後清池碧

玉環君如大江日千里我如此水千山底

雨中遊天竺靈感觀音院

蠶欲老麥半黃前山後山雨浪浪農夫輟耒去廢筐

白衣仙人在高堂

和蔡準郎中見遊西湖三首

夏潦漲湖深更幽西風落木芙蓉秋飛雪閣天雲拂
地新蒲出水柳映洲湖上四時看不足惟有人生飄
若浮解顏一笑豈易得主人有酒君應留君不見錢
塘遊官客朝推囚暮決獄不因人喚何時休
城市不識江湖幽如與蟋蟀語春秋試令江湖處城
市却似麋鹿遊汀洲高人無心無不可得坎且止乘
流浮公卿故舊留不得遇所得意終年留君不見拋
官彭澤令琴無絃巾有酒醉欲眠時遣客休
田間決水鳴幽幽插秧未遍麥已秋相攜燒筍苦竹
寺却下踏藕荷花洲船頭所鮮細縷縷船尾炊玉香

浮浮臨風飽食得甘寢官使細故胸中留君不見
士憔悴時饑謀食渴謀飲功名有時無罷休

和子由柳湖久酒忽有水開元寺山茶舊

無花今歲盛開

太昊祠東鐵墓西一樽曾與子同攜回瞻郡閣遙飛
檻北望掃竿半隱堤飯豆羹熬思兩鵠飲河嘆水賴
長規如今勝事無人共花下壺盧鳥勸提
長明燈下石欄干長共杉松閣歲寒葉厚有稜犀甲
健花深少態鶴頭丹久陪方丈曼陀雨羞對先生首
蒼盤雪裏盛開知有意明年歸後更誰看

六月二十七日望湖樓醉書

黑雲翻墨未遮山，白雨跳珠亂入船。卷地風來忽吹散，望湖樓下水如天。

放生魚鼈逐人來，無主荷花到處開。水枕能令山俯仰，風船解與月裴回。

烏菱白芡不論錢，亂繫青菰裹綠盤。忽憶嘗新會靈觀，滯留江海得加餐。

獻花游女木蘭橈，細雨斜風濕翠翘。無限芳洲生杜若，吳兒不識楚詞招。

未成小隱聊中隱，可得長閑勝暫閑。我本無家更安

往故鄉無此好湖山

七月一日出城舟中苦熱

涼颼呼不來，流汗方被體。稀星乍明滅，暗水光瀾瀾。香風過蓮葉，藕枕裂鮎鯉。欠伸宿酒餘，起坐濯清泚。

火雲勢方壯，未受月露洗。身微欲安適，坐待東方啓。宿餘杭法喜寺，寺後綠野亭。望吳興諸山。

懷孫莘老學士

徙倚秋原上，淒涼晚照中。水流天不盡，人遠思何窮。

問謀知秦過，看山識禹功。餘杭始皇所舍舟也西北稻涼初吠蛤，柳老半書蟲。荷背風翻白，蓮腮雨退紅。

追遊慰遲暮，覓句效兒童。北望蒼溪轉，遙憐震澤通。
烹魚得尺素，好在紫髯翁。

宿臨安淨土寺

鷄鳴發餘杭，到寺已亭午。參禪固未暇，飽食良先務。
平生睡不足，急掃清風宇。閉門群動息，香篆起煙縷。
覺來烹石泉，紫筍發輕乳。晚涼沐浴罷，衰髮掃可數。
浩歌出門去，暮色入村塢。微月半隱山，圓荷爭瀉露。
相攜石橋上，夜與故人語。明朝入山房，石鏡烟當路。
昔照熊虎姿，今為猿鳥顧。廢興何足弔，萬世一仰俯。

自漁土步至功臣寺

落日岸蒿中，晚風吹羽扇。松間野步穩，竹外飛橋轉。
神功鑿橫嶺，巖石得巨片。直度千人溝，下有微流注。
岡巒蔚回合，金碧爛明綉。緬懷異姓王，負檐此鄉縣。
長逢跨下辱，屢乞桑間飯。誰謂山石頑，識此希世產。
凜然英氣逼，屹起猶聳戰。他年萬騎歸，父老恣歡宴。
錦繡被原野，金珠散貧賤。竅既入朝吳，尚空記面。
榮華坐銷歇，閱世如郵傳。惟有長明燈，依然照深殿。

遊徑山

衆峰來自天，目山勢若駿馬奔。平川中塗勒，破寺里
足金鞭。玉轡相回旋，人言山住水亦住。下有萬古蛟

龍淵道人天眼識王氣結茆宴坐荒山巔精誠貫山
石為裂天女下試顏如蓮寒窓暖足來朴握夜鉢呪
水降蜿蜒雪眉老人朝扣門願為弟子長參禪爾來
廢興三百載奔走吳會輸金錢飛樓湧殿墜山破朝
鐘暮鼓驚龍眠晴空偶見浮海蜃落日下數投村鳥
有生共處覆載內擾擾膏火同烹煎近來愈覺世議
隘每到寬處差安便嗟余老矣百事廢却尋舊學心
茫然問龍乞水歸洗眼欲看細字銷殘手龍介水洗
病眼有效

自徑山回得呂察推詩用其韻招之宿湖

上

多君貴公子愛山如愛色心隨葉舟去夢遠千山碧
新詩到中路令我喜折屐古來軒冕徒操捨兩悲慄
數朝詞替笏兩脚得替赤歸來不入府却走湖上宅
寵辱吾久忘寧畏官長詰飄然便欲去誰在子思側
君能後我遊出郭及未黑

宿望湖樓再和

新月如佳人出海初弄色娟娟到湖上瀲灩搖空碧
夜涼人未寢山靜聞響屐騷人故多感悲秋更慘慄
君胡不相就朱墨紛黜赤我行得所嘗十日忘家宅
但恨無友生詩病莫訶詰君來試吟味定作鶴頭側

改罷心愈疑滿紙蛟虵黑

夜泛西湖五絕

新月生魄迹未安纔破五六漸盤桓今夜吐艷如半
璧游人得向三更看

三更向闌月漸垂欲落未落景持奇明朝人事誰料
得看到蒼龍西沒時

蒼龍已沒牛斗橫東方芒角昇長庚漁人收筒及未
曉船過惟有菰蒲聲

湖上禁漁昔
盜劫若也

菰蒲無邊水茫茫荷花夜開風露香漸見燈明出遠
寺更待月黑看湖光

湖光非鬼亦非仙風恬浪靜光滿川須臾兩兩入寺
去就視不見空茫然

焦千之求惠山泉詩

茲山定空中乳水滿其腹遇隙則發見臭味實一核
淺深各有值方圓隨所蓄或為雲洶涌或作綫斷續
或鳴空洞中雜佩間琴筑或流蒼石縫宛轉龍鸞盛
蛭嬰走四海真偽半相瀆貴人高宴罷醉眼亂紅綠
赤泥開方印紫餅截圓玉傾甌共歎賞竊語笑僮僕
豈如泉上僧盥漱自挹掬故人憐我病弱籠上寄新
馥欠伸北窓下晝睡美方熟精品馱凡泉願子致一

斛

答任師中次韻

來詩勸以
詩四自誤

閑裏有深趣常憂兒輩知已成歸蜀計誰借買山資
世事久已謝故人猶見思平生不飲酒對子敢論詩

沈諫議名遊湖不赴明日得雙蓮於北山

下作一絕持獻沈既見和又別作一首因

用其韻

湖上棠陰手自栽問公更得幾回來水仙亦恐公歸
去故遣雙蓮一夜開

詔書行捧縷金歲樂府應歌相府蓮莫忘今年花發

處西湖西畔北山前

和歐陽少師會老堂次韻

一時冠蓋盡嚴終舊德年來豈易逢開道堂中延蓋
史之應牀下拜梁松蠹魚自晒閑箱篋科斗長收古
鼎鍾我欲弃官重問道寸筵何以得春容

和歐陽少師寄趙少師次韻

朱門有遺啄千里來燕雀公家冷如水百呼無一諾
平生親友半遷逝公雖不怪旁人愕世事如今臘酒
醜交情自古春雲薄二公凜凜和非同疇昔心親豈
願從白頭相映松間鶴清句更平酬雪裏鴻何日楊

雄一屨足却追范蠡五湖中

監試呈諸試官

我本山中人，寒苦盜寸廩。文詞雖少作，勉強非天稟。
既得旋廢忘，懶惰今十稔。麻衣如苧著，墨水真可飲。
每聞科詔下，白汗如流瀋。此邦東南會，多士敢題品。
芻蕘盡蘭蓀，香不數葵荏。貧家見珠貝，眩晃自難審。
緬懷嘉祐初，文格變已甚。千金碎全璧，百納收寸錦。
調和樹桂醜，咀嚼沙礫磣。廣眉成半額，學步歸踈蹇。
維時老宗伯，氣墜群兒凜。蛟龍不世出，魚鮪初驚滄。
至音久乃信，知味猶食楨。至今天下士，微管幾左社。

謂當千載後，石室祠高朕。爾來又一變，此學初誰認。
權衡破舊法，芻豢笑凡餼。高言追衛樂，篆刺鄙曹沈。
先生周孔出，弟子淵濶寂。却顧老鈍軀，頑朴謝鐫錐。
諸君況才傑，容我懶且噤。聊欲廢書眠，秋濤春午枕。

望海樓晚景五絕

海上濤頭一線來，樓前指顧雪成堆。從今潮上君須
上更看銀山二十回。

橫風吹雨入樓斜，壯觀應須好句誇。雨過潮平江海
碧，電光時掣紫金蛇。

青山斷處塔層層，隔岸人家喚欲應。江上秋風晚來

急為傳鐘鼓到西興

樓下誰家燒夜香玉笙哀怨弄初涼臨風有客吟秋
扇拜月無人見晚粧

沙河燈火照山紅歌鼓喧喧語笑中為問少年心在
否角巾歌倒鬢如蓬

試院煎茶

蟹眼已過魚眼生颼颼欲作松風鳴蒙茸出磨細珠
落眩轉逸甌飛雪輕銀瓶瀉湯誇第二未識古人煎
水意枯不煎君不見昔時李生好客手自煎貴從
活火發新泉又不見今時潞公煎茶學西蜀定州花

窈瑒紅玉我今貧病長苦飢分無玉盃捧娥眉且學
公家作茗飲搏爐石銚行相隨不用撐腸拄腹文字
五千卷但願一甌常及睡足自高時

孫莘老求墨妙亭詩

蘭亭蠶紙入昭陵世間遺迹猶龍騰顏公變法出新
意細筋入骨如秋鷹徐家父子亦秀絕字外出力中
藏稜嶧山傳刺典刑在千載筆法留陽冰杜陵評書
貴瘦硬此論未公吾不憑短長肥瘠各有態玉環飛
燕誰敢憎吳興太守真好古購買斷缺揮縑繒龜趺
入坐螭隱壁空齋晝靜聞登登竒蹤散出走吳越勝

事傳說誇友用書來乞詩要自寫為把栗尾書谿藤
後來視今猶視昔過眼百世如風燈他年劉郎憶賀
監還道同時湏伏膺

李公擇求黃鶴樓詩因記舊所聞於馮當
世者

黃鶴樓前月滿川抱關老卒飢不眠夜聞三人笑語
言羽衣著履響空山非鬼非人意其仙石扉三扣巖
清圓洞中鏗鉉落門關縹緲入石如飛煙雞鳴月落
風馭還迎拜稽首願執鞭汝非其人骨腥膻黃金乞
得重莫肩持歸包裹弊席擅夜穿茅屋光射天里閭

來觀已變遷似石非石鉛非鉛或取而有衆忿喧訟
歸有司今幾年無功暴得喜欲顛神人戲汝真可憐
願君為考然不然此語可信馮公傳

八月十日夜看月有懷子由并崔度賢良
宛丘先生自不能更笑老崔窮百巧一更相過三更
歸古柏陰中看參昴去年舉君首宿盤夜傾闕酒赤
如丹今年還看去年月露冷遙知范村寒典衣自種
一頃豆那知積雨生科斗歸來四壁草蟲鳴不如王

江長飲酒

王江陳
州道人

催試官考較戲作

八月十五夜月色隨處好不擇茆簷與市樓況我官
居似蓬島鳳味堂前野橋香劍潭橋畔秋荷老八月
十八朝壯觀天下無鯤鵬水擊三千里組練長驅十
萬夫紅旗青蓋互明滅黑沙白浪相吞屠人生會合
古難必此景此行那兩得顧君聞此添蠟燭門外白
袍如立鵠

八月十七復登望海樓自和前篇是日勝
出余與試官兩人復留五首

樓上煙雲怪不來樓前飛紙落成堆非關文字須重
看却被江山未放廻

眼昏燭暗細行斜考閱精強外已誇明日失杯君莫
怪早知安是不成地
亂山遮曉擁千層睡美初涼撼不應昨夜酒行君屢
歎定知歸夢到吳興
天台桂子為誰香倦聽空階夜點涼賴有明朝看潮
在萬人空巷闔新粧
秋花不見眼花紅身在孤舟兀兀中細雨作寒知有
意未教金菊出蒿蓬

